



文肅公文集卷之三十二

後學南城王峯羅正校

知廣昌縣婺源余聲訂刊

後學宗源濬裔孫重梓

奏議集畧

題為隱匿賊情等事

題為隱匿賊情謀陷城池欺罔朝廷擅作威福僭禮犯分枉  
殺人命毒害軍民謀害期親詐傳勅旨妄造妖言謀為不軌  
邀截實封阻當伸訴變亂成法倚法為姦貪淫酷暴敗倫傷

文肅公文集

卷之三十二

一

化魘魘不道等事節該欽奉勅茲特命爾同錦衣衛指揮劉  
綱備詞前去四川會同鎮守太監劉雅巡撫右副都御史劉  
璋巡按監察御史何鈞親詣播州撫提事內于證人犯弁甲  
應查文卷將各奏內事情從公逐一審勘明白于礙宣慰使  
楊愛宣撫楊友都指揮楊綱叅政謝士元副使翟庭蕙及事  
有應面證者就便撫提楊友楊愛并行提楊綱等面證虛實  
有應委官勘檢者行取附近湖廣三司堂上官公同勘檢賊  
物家財等項應追理者追理借用器服等物應入官者入官  
被攻城寨從長處置應否開設府縣學校亦就定奪有罪人

犯依律議擬情輕者各照常例并土俗事例先行發落情重者牢固監候若楊友等挾讐妄奏各有不實亦要具情問結通行奏來定奪欽此欽遵又該臣等題爲勘提處置彙情事節該奉聖旨恁到播州事當對證的撫提楊愛楊友面對虛實卽省發聽候不必監禁欽此又據四川重慶府申抄蒙巡撫四川都察院右副都御史劉案驗准本院咨該本院題該播州宣慰司長官張淵弟張深奏爲僭擬宮禁名號交結親王潛謀不臣縱爲不法等事本院看得所奏事情與楊友等

文肅公文集

卷之三十二

二

礙唐王奏請定奪等因具題奉聖旨是張深旣係楊愛原奏同謀人數還差的當人員押解去交付何喬新等併問欽此又准本院咨該播州宣化長官司長官何清弟何洙奏爲謀爲不軌殘殺人命橫取民財欺罔不法等事該通政使司官奏奉聖旨都察院知道欽此本院看得所奏情詞與楊友楊愛奏詞內姓名事情多有相同備抄各詞轉行臣等併看又准本院咨該本院題該撫州宣慰使司宣慰使楊愛等奏爲姦黨欺罔謀害土官殺死人命擾亂地方邊彙等事及草塘安撫司安撫朱韜黃平安撫司安撫羅贊容山等六長官司

長官張經張通毛釗楊王鄭旭輪署司事舍人李勳等各奏稱宣撫楊友兄弟及何清等奪占地方擾亂蠻彝引惹邊費激變彝民等情本院看得各奏情詞與楊友張深等先奏事千一連欲行侍郎等官何等會同鎮守巡撫等官劉雅等併勘中間奏有虛詐亦就撫提問結等因具題奉聖旨是欽此又准本部咨該本院題該宣慰使楊愛奏爲欺誑朝廷妄捏賊情違法謀害土官懼罪擅帶軍彝出境不守地方城池等事看得所奏與楊友等先奏事有于連合行差官濟文交與各官併看施行等因具題奉聖旨是欽此欽遵抄詞轉行臣

文肅公文集

卷之三十二

三

等行據湖廣都布按三司委官都指揮僉事房昂右叅議李俊僉事洪廷臣將勘過緣由連入犯呈解前來除被攻城寨及應否開設府縣學校另行處置外會同欽差鎮守四川太監劉巡撫右副都御史劉巡按監察御史何問得犯人張淵招任播州宣慰司隨司辦事長官洪武初年有播州沿邊安撫司安撫使楊鏗率屬投順欽蒙改安撫司爲宣慰司陞楊鏗爲宣慰使撫治民彝楊鏗病故伊男楊昇孫楊綱曾孫楊輝相繼襲職宣德正統年間楊綱不合買到土民吳慶長壽黃保福僧義保九保小進保大朱保元保闡割爲火者在家

使喚景泰天順年間有楊輝亦不合收買土民并苗人曾保  
王壽陳玄卽何宸玄大進保唐奴福庸范蠻羅保福元觀音  
張沅何勝昌王福善宋慶祥王永貴石超祖張保吳誠四保  
張永富楊善琴童王慶仁壽李馬龍章及已故王景德祿壽  
雲壽卽童壽小鄧卽福壽私自閹割使喚有吳慶等明知於  
例有違各亦不合在伊家往過景泰三年五月內有寨老袁  
昱等思得本州稅糧遞年運赴貴州興隆等倉上納搬運本  
色艱難告願折納輕齎銀兩楊輝准令各里每米一石折收  
尙銀一兩彙解該倉買米上納彼時苗蠻反叛欽差總兵官  
文肅公文集 卷之三十二 四  
靖遠伯王驥領兵征勦楊輝輸粟以助軍餉蒙賜勅獎諭本  
年十二月內楊輝要表彰朝廷恩典起立坊牌上寫勅賜二  
字景泰六年四月內楊輝訪知馬湖府土民李鑑等在於本  
州地名花崖溪偷砍杉木數多楊輝帶領土兵人等將李鑑  
等趕散遺下杉枋二千餘塊令冠帶民人闖昂借倩赤水等  
里人民運至水次差頭目蘭希真韓璽等裝至南京等處賣  
得羅緞三梭共值銀一千三百餘兩交與楊輝收訖天順三  
年間楊輝因妻俞氏無子又娶田氏爲妾天順八年七月十  
七日田氏生男楊友本年初九日俞氏生男楊愛以後

田氏又生男楊敏楊啟楊敷俞氏又生男楊孜成化三年八月內本司長官何庸病故戶絕有伊族姪何熙慶不合捏稱係何庸嫡長男告襲前職楊輝不合准信拘集親族里老審取結狀備申四川都布按三司覆勘具奏准令冒襲前職成化五年閏五月內有忠州等處逃民劉鈔等在於真州長官司管下瞭蠻坎等處偷挖鉛礦蒙四川布政司左叅政陳述等督同楊輝將劉鈔等趕散棄下黑鉛約有五百餘擔當將前坎填塞楊輝自合將前項黑鉛入官不合令人運至地名三溪寄頓土民趙月升家成化六年月日不等有陝四樂戶

文肅公文集

卷之三十二

五

劉壽劉鑑郭福亮張順爲因本處艱難各不合逃來本州趁食住過成化七年九月內俞氏病故楊愛年方八歲田氏掌家妬悼要將伊男楊友承襲百計謀害楊愛有火者長壽極力保護得免於死成化九年十月內楊輝差蘭希真并頭目王標趙進將黑鉛四百擔裝至蘇州等處變賣得銀六百兩帶回交與楊輝收訖餘有一百擔仍在趙月升家頓放成化十一年間楊輝得患暗風病證聽信田氏巧說楊友係是長子合當襲替是淵不合阿順勸楊輝將楊友替職有安撫宋韜長官毛釗等俱稱楊氏家法立嗣以嫡不肯保結有本司

典吏顏珪素被楊輝寵信亦勸楊輝將楊愛爲嗣楊輝因衆心不從只得具奏致仕將楊愛替職楊愛年幼一應政事俱係楊輝主張田氏專掌家事莊田子粒并家財金銀羅段等物俱係田氏收掌楊愛並不得干預本年六月十二日蒙勅楊愛量起土軍跟隨四川等處總兵等官征勦大壩山都掌事寧之日差人繳勅楊愛不合故違一向不行進繳楊輝因溺愛楊友意要分割本州地土另立衙門黃緣授以官職是淵與姐夫何清已故頭目徐泰馮墩并楊輝婿俞溫田豐姪楊夔各亦不合要圖陞官密與楊輝謀說大壩干地方原屬

本司與容山重安地方相近今被生苗占據莫若請兵征討克平之後就將容山重安所管彙寨分割另立宣撫司着大官人做宣撫却不好等語楊輝喜允差人拘喚容山長官司長官韓瑄重安長官司長官張通各帶印信前來本司商量成化十二年正月內韓瑄張通來到本司楊輝分付各官着令各甲生苗占據天壩干扇惑重安容山彙寨爲惡不納糧馬等因有韓瑄回說各司土民一向納糧當差不敢妄申楊輝怪怒喝出是淵與何清各又不合對楊輝言說韓瑄打攪若不懲治事終難成本月二十日楊輝令人叫韓瑄到司喝

令失記名皂隸將韓瑄責打六十大棍攙扶回家至本月二十八日因傷身死張通懼怕只得依從楊輝就行捏稱天壩千原係本司懷遠府故地景泰年間被山苗占據扇惑熟苗爲惡不服撫化乞會兵征勦等詞令楊愛出名具奏蒙勅巡撫四川都察院右副都御史張瓚領兵征勦張瓚明知楊輝先已致仕又奏起伊領軍協力攻取官軍到彼不曾交鋒苗人強者逃散老弱告願長順楊輝屬託張瓚要於彼處設立安撫司并二長官司就將楊友俞溫何清等爲安撫長官張瓚不合聽屬朦朧具奏於天壩千地方設懷遠長官司將俞溫爲長官田豐爲左副長官徐泰爲副長官又將容山長官司原管雞西等二十五寨捏作丹章容洞地方開設宣化長官司將楊夔爲正長官何清爲副長官馮暉爲右副長官又將重安長官司原管凱離等五十二寨捏稱係灣溪總會之處開設安寧宣撫使彼時楊友年方一十三歲捏作一十八歲冒報斬獲首級七顆陞任本司宣撫又要將淵保陞宣撫同知因衆論紛然不曾舉保前項衙門止有懷遠長官司在天壩千地方丹章容洞係湖廣所屬苗寨不服招撫張瓚又行具奏起倩軍民於凱離寨築立城郭及將播州長官司土



軍一千五百名撥去防守楊友授職之後一向隨伊父楊輝住過不曾到任止是徐泰馮墩在於宣撫司替伊僉押楊輝又將識字土吏向崧陳敏馮鑰撥去彼處書辦是淵與何清馮墩要得阿順田氏謀害楊愛將楊友襲任宣慰使楊愛得知記恨在心因淵等係伊父楊輝寵信不敢聲言本年四月初二日湘川驛驛丞周琳九年考滿是淵央免楊輝妾弟張洪署掌本驛印信彼因本驛缺少舖陳及缺馬走遞有弟張洪責令馬夫徐昱蒲底等每馬一匹買補上中下舖陳各一副及令馬戶韓益之等共出銀一百兩該買馬七匹本年月日不等有弟張洪不合將前項銀兩侵欺入已不行買馬又將上等舖陳三十副共該價銀一百八十兩盜取回家及將站戶楊道戶丁善奴強占在家使喚本驛官吏因見楊輝寵信淵兄弟不敢告官有弟張深倚張洪聲勢亦不合將本驛馬夫張留三女三真強奪回家使喚後三真走回伊父家墮住一向跟尋未獲成化十三年二月內蒙巡撫都御史張瓚因見宣撫司築城未完軍夫缺糧支給具奏將本州各司成化十四年十五年分該納稅糧六千七百九十六石撥去彼處上納有楊友委頭目劉大榮趙鎮何忠公同徵收除完納

仍欠四百二十四石二斗六升各民因見米價高貴情願  
每糧一石納苗銀一兩五錢劉大榮不合倚恃楊友信任每  
石勒索苗銀三兩共計一千二百七十二兩七錢八分除買  
糧上納外餘有苗銀六百三十六兩三錢九分劉大榮盡行  
侵欺入已本年三月內蒙四川布政司將行三百兩發本司  
轉送容山長官司糴米支與兵夫起蓋宣化長官司衙門彼  
時容山長官司缺官委何清署掌印信照依時價每銀一兩  
買米二石五斗共該七百五十石何清每斗不合加收一升  
共米八百二十五石本司又委何清徵收清平倉改撥稅糧

三百一十七石一斗五升何清又每斗加收一升共米三百  
四十八石八斗六升五合前後共該米一千一百七十三石  
八斗六升五合除陸續支米四百八十石與兵夫外餘米六  
百九十三石八斗六升五合俱係何清侵欺入已本年十月  
內蒙巡撫都御史張瓚看得宣撫司守備築城土軍苗獠人  
等數多撥去糧少又行令布政司馬馴僉事張子言將先年  
征進餘剩糧銀并折色醵龜等物共折糧三萬六千石發與  
楊輝收領支給有楊輝行令安撫宋韜等按月支與築城守  
備軍夫俱已盡絕楊愛不曾經手後巡撫都御史孫仁聽得

道路傳說前項糧價支銷不明行仰分守等官查究本司將支銷數目造冊繳報訖本年失記月日有革罷思南宣慰使田宗鼎孫男田貴與伊堂兄田忠嫂冉氏俱從遼東配所逃回播州地方躑住楊輝因與田貴等關親亦不合容隱在地名水車壩莊所作過成化十四年正月十二日楊友與伊父妾五兒俱不合通姦楊輝知覺要將五兒打死有五兒懼怕潛於茶房內自縊身死楊輝又要將楊友殺死楊愛苦勸楊輝含忍不曾追究本年二月內有頭目王宋保在於安寧守備是淵因見土軍逃回數多不合對王宋保嚇說係伊愛財

支肅公文集

卷之三十二

十

賣放要赴楊愛處稟知追究王宋保怕打將苗銀一十兩送淵收接入已本年五月十三日有弟張洪取伊小姨雲秀卽趙氏來家習學女工明知趙氏先已聘與土民楊壅爲妻不合將伊姦訖一度以後往來通姦不絕楊壅訪知將情赴播州長官司告發追出聘財給還楊壅將趙氏斷與伊母宋氏領回改嫁有弟張洪仍將趙氏刁引回家姦收爲妾本年八月內有土民李瑩將屋基一段賣與淵爲業議作價銀二百兩陸續止還過銀一百四十兩仍欠六十兩是淵恃強負賴不還本年九月內楊輝將莊田一百四十五處茶園二十六

處獵崖二十八處獵場一十一處魚潭一十三處作四分均分與楊友楊愛楊孜楊敏因是楊友楊愛年長俱有職事分與金銀器皿等項親寫分單爲照楊孜楊敏年幼俱無職役止將金壺一把金臺盤一副金盃一口分與楊孜及將金壺一把金臺盤一副金盃一口金鍾二箇分與楊敏俱令田氏收藏不曾寫與分單又將火者吳慶等二十名分與楊愛楊孜使喚張沅等一十八名分與楊友楊敏使喚本年月日不等楊愛因見各里土民不諳書辦不合違例將市民姚鑑僉充本司兵房典吏王裕僉充本司刑房典吏何文僉充本司

戶房典史楊崙僉充本司禮房令史有姚鑑王裕何文楊崙各亦不合違例着役成化十五年正月內楊友因往安寧經過餘慶白沉等處又不合將餘慶長官司管下站戶毛顯常等地名班溪巴村大寨鐵針崖羅家寨五處水田八百陸陸地二十處強占創立田莊將湘川等驛馬夫孫羊何祥黃元受邵楚鄒石立蠻程胡李勝祖等二百五十五戶占作佃戶又令何清劉大榮各又不合將白泥長官司管下站戶楊昌福田斌水田九十畝巴必聰等陸地一百畝強占爲莊招引九姓土獠在彼住種楊友因有獵場在山羊園等處每年打

獵又將土民母文昌等田禾蹂踐及將地名落蒙水老母潭等處占作魚潭撈取魚鮮禁人不許放水灌溉又將民人袁二保水田三畝占種有伊要告纔將牛四頭准還田價本年二月內有烏江驛馬夫梁元不合畏避走避艱難帶同伊戶丁梁章梁小羊梁竹梁河逃往安寧宣撫司打造鐵器爲生本年五月初五日本司頭目李鑑明卽李鑑圓已死男李用之飲酒沉醉手執斧頭要殺伊父有李鑑圓將情具告播州長官司行拏聞李用之懼罪逃走不知去向本年六月內有爛土苗頭齋果不忿本州開設懷遠長官司衙門聚眾攻破

本司并靖南堡將守備土軍三百名盡行殺掠有本司長官余溫田豐因被苗賊占據衙門俱回本州住過原撥備禦土軍陸續逃故止有四百二十二名仍要安寧守禦蒙貴州鎮守總兵等官具奏與四川會兵征進齋果起調本司土軍聽候夾攻本司因缺少號布具申四川布政司蒙行仰本司差頭目宋齊賢前去永寧倉關出錦布五百匹運回本司轉送安寧宣撫司交與楊友收候應用本年十二月內是淵仍要圖陞官職密與楊輝計議要誘貴州新添等長官司奏保楊友爲宣慰使事成之後仍將淵保任宣慰同知楊輝聽信就

令淵與何清已死男何楫前去貴州地方哄誘新添等長官司長官宋安等各亦不合依聽捏稱宣撫楊友攄忠効力撫化有方夔寨聞其風聲治効不勝戀慕乞將新添麻哈等一十七長官司開設宣慰使司將楊友改任宣慰司等詞具本差人齋奏間楊輝就令何楫將帶銀二百兩金一百兩金相寶石帶一條金相嵌青紅寶石珍珠綴素草帽一頂珊瑚樹一株素玉帶一條赴京央人打點准行仍將前詞具申巡撫貴州副都御史陳儼處蒙叅稱楊友年幼不得一日到任管事何得有風聲治効足以感人顯是宋安等妝飾前詞妄行

文肅公文集

卷之三十二

三

奏擾行文四川巡撫等官戒諭楊輝父子母得越境扇惑地方成化十六年二月內何楫到京被彭城衛餘丁胡亮等誑取前項金銀又蒙兵部看得前事難准立案不行何楫將玉帶寶石等物變賣銀兩在於教坊司宿倡花費致被西廠校尉訪出拏送錦衣衛鎮撫司究問何楫又不合隱情妄招係貴州新添長官司通事何受致蒙准信奏送貴州道問擬審允通發巡按貴州監察御史再問定奪行至中途何楫因花費前項金銀懼怕楊輝追取就行脫逃赴京又假寫楊輝書信問在京客人朱安借銀四百兩到於樂人劉四兒家花費

無存本年五月內有江西九江府德化縣儒學訓導越雍卽  
越熙雍丁憂回伊原籍貴竹長官司守制楊輝訪得本官學  
行頗優請到本州令楊友楊愛從伊讀書作課後越熙雍服  
滿赴京除授唐府教授本年八月失記日期有男張采不合  
與淵妾五真通姦是淵將五真打死張采躲避以後不曾追  
究本年月日不等有本司頭目韓璽不合騙取土民李文明  
等牛二十七頭又將銀三十二兩八錢借與土民白加清等  
多取利銀七十五兩七錢被李文明白如清等告發楊愛行  
提韓璽到官責對明白追出牛隻利銀給還各主問擬發落

文肅公文集

卷之三十二

古

訖成化十七年二月內楊友又不合卽次與楊輝妾梁真并  
使女佛真通姦楊輝得知將梁真佛真殺死捉拏楊友要行  
打死就將草料逼伊吃食有楊愛與伊母田氏再三哀告方  
纔踈放本月失記的日有弟張演不合發掘土民趙添祖坟  
二所將屍骸搬移別處起蓋房屋在上本年三月內田氏病  
故楊輝將楊敵分與楊友撫養楊敷分與楊愛撫養本月失  
記的日弟張演因見叔祖張秀已故將伊妾楊氏調戲求姦  
楊氏要告當得宗族勸阻本年七月內楊友倚勢將本州文

昌官下常住水田八畝鋤毀禾苗起蓋房舍有住持道士劉

守堅哀告楊友喝罵不從本年十月十三日有宣撫司軍人周川保不合串同生苗阿夜將江西臨江府新喻縣不知名楊客殺死劫去贖本銀兩有寨長全仁魁赴楊友處報知楊友差人緝拏周川保到官明知本犯罪雖應死自合問擬申詳待報處決卻不合喝令總旗郭欽不合依聽用刀將周川保砍死本年十二月內本司攢造黃冊令里長白誼吳永信追收各里人戶造冊盤纏等項銀一百兩贓放在司被不知名人偷去有楊輝差淵翁張洪挨捕聞是淵要謀播州長官司長官王炳職事分付翁張洪將白誼吳永信用刑拷打逼

令誣供王炳偷去前項銀兩各人不從有翁張洪又不合聽淵主使將吳永信等連日拷打俱各傷重纔方踈放回家至本月初七日吳永信因傷身死伊家將屍燒化訖白誼醫治痊可是淵又行唆使楊輝將王炳發去安寧守備在彼病故成化十八年正月內本司委淵管造黃冊有楊輝要將東青等里土民駱恕隆等撥與楊友管轄又恐變亂黃冊令淵將駱恕隆等開作死絕各戶田糧飛報大溪內外二寨後楊愛查出前弊就行改正訖本年二月內蒙四川布政司差雜造局副使駱鎮等齎送官銀三千五百兩着落本司收買足色



好金五百兩差人解司類進楊愛就將前銀派發所屬黃平等安撫司白泥等長官司收買好金令淵翁張深頭目藺希純令史劉淳分投催收有弟張深與藺希純劉淳指以成色不足爲由除正數外各又不合勒要各司加耗金多寡不等共金一百三兩九錢九分內將一十五兩分與藺希純一十兩分與劉淳其餘俱係弟張深強收入已本年四月初一日弟張深等將收過散碎金五百兩送赴本司有楊愛將金印封完備差吏張深與頭目陳昇解赴布政司當官開拆秤少四兩五錢并燒煇折耗足色金四十兩劄仰本司作急買完

差人解司本司因無處易買行令各安撫長官司共贖銀二百八十兩抵還前銀仍差弟張深解赴該司納完取獲批廻不期陳昇訪知前情具狀赴楊愛處首發拘弟張深并藺希純劉淳到官審問明白追出原分金完足封收在庫各人問擬發落訖有弟張深懷恨在心本年九月內松坎驛馬夫碁宣不合畏避走遁艱難逃在本州地名竹瓦寨隱情躲住有弟張演得知就將碁宣并姪碁賢捉拏到家逼令各人認係本家雇工人碁宣等無奈只得共贖苗銀三十兩與弟張演收訖方纔踈放本月十六日楊輝令本司頭目王標戴秉文

護送楊友前去安寧到任有楊友因見安寧城外苗賊時常  
往來仍與王標等回還本司住過每遇聖節千秋節冬至正  
旦仍往彼處行禮本年十月內蒙巡撫四川都察院右副都  
御史孫仁奏准土官衙門不許妄捏地方事情徑自具奏仍  
仰所屬腹裏關隘去處盤詰把截及通行所屬土官衙門遵  
守本月十八日楊愛因水西羅鬼所管蠻人將本司儒溪赤  
水等里人民殺掠不服講斷自行帶領官日人等親詣彼處  
會同水西宣慰使安貴榮講斷恭遇萬壽聖節就於水西  
驛行禮本年失記月日本司差頭日文錦前往南京進繳黃  
文肅公文集

卷之三十二

七

冊就令與松坎驛馬夫猶敬順帶杉枋一十五片前去變賣  
收買鋪陳文錦等將杉枋賣銀三十八兩各不合侵欺分用  
捏稱前項杉枋被水漂流有頭目李斌訪知赴本司首發就  
拘文錦等審問是實追出前銀給付本驛置買鋪陳將文錦  
等量情發落訖成化十九年正月內有楊輝患病沉重分付  
楊友楊愛候楊致楊敷長成將孝義莊等處莊田撥與楊致  
海龍琪等處莊田撥與楊敷後楊輝病故是淵令妻宋氏帶  
同使女閏眞前去弔喪有楊愛使女宋眞偷出女裙一腰送  
與閏眞接受不期楊愛知覺搜出前裙宋眞怕打潛於本家

茶房內自縊身死本月十二日楊政得患傷寒病證身故楊  
愛疑是淵與楊友通同暗行毒死一向詢訪不得的確楊輝  
病故之後楊愛方纔管事思得白祖以來置有大水田柳川  
冉川屯平大足黃魚永安先峯洪江米田通平毛陂石梁雷  
水崔家桃溪半山泥川等莊并獵場魚潭茶園蠟崖逐年各  
令頭目劉應清楊禧傳晟蒙裕李乾李宗賢蒙福席巨成顏  
章玄楊瑞林羅其何道斯朝何熙淳吳從義辛忠傳宗政韓  
善謝琰韓秀閻晟李福受劉琰徐讓吳楷閻昂李智楊宗祿  
吳淵廣黃澄吳淵興提督家人看養孽姓布種田禾麻麥黍  
文肅公文集 卷之三十二 六

豆紅花之類并採取魚鮮打捕野獸以供家用每遇收成之  
時又令火者福僧觀音王壽長壽何宸玄福庸黃保元保吳  
慶大進保義保范蠻九保會保大來保小進保羅保福元唐  
奴并童壽祿壽福壽壽童往來各莊照管楊愛管事以來思  
得長壽顏珪有功於已專一信用淵與何清等目前撥置伊  
父要立楊友因此踈棄不用是淵與弟張洪張深張演并何  
清怪恨要得謀害楊愛仍將楊友襲職有顏珪因見楊輝存  
日將所屬各驛馬戶分與淵及何清并伊宗族弟姪作佃戶  
使喚苦被各家剝削多致逃竄勸楊愛更改舊弊楊愛准聽

將各家役占馬戶盡行清出止當本等差徭淵等得知出於顏珪之計各懷怪恨顏珪亦不合要人敬畏時常對衆揚說某事是我勸宣慰行某事是我對宣慰說以此人皆趨附淵等愈加不平本年二月內有本州里老張洪等連名告稱凡遇進貢等項公差人員過年俱於各里點差人夫津貼盤纏節被差去之人分外勤取數多情願預先認納銀兩免致臨期逼迫楊愛准聽照依有司均徭事例上戶納銀十兩中戶納銀四兩下戶納銀一兩五錢備造手冊委頭目周從鼎照依等第徵收在官遇有公差人員量計程途遠近將前銀支

給本年五月內楊友思得何楫替伊管求宣慰不成又將金銀等物花費具呈本司有楊愛批差顏珪與淵弟張深等赴京到於樂人劉四兒家將何楫捉獲回司監追費用過金銀并原借朱安銀兩本月初二日有王景德因與楊敏遊戲將楊敏推跌落水王景德懼怕逃往重慶府地面躲住本司差皂隸王勝賢緝拏間有堂弟張准與舍人程暹遇見捉回解送楊愛處責打三十發與伊父王志領回本月初五日有民人宋胡赴本司告稱民人李源搶劫家財本司差總旗餘丁朱留拘拏間有李源逃往伊妻兄裴椿家藏躲裴椿不合將

李淵藏匿在家隨又轉送逃避本月初九日有土民謝武赴本司告稱被民人王懷智勒索銀兩等情楊愛令已故儒士王瑩男王坐拘審有王坐不合索要謝武金一錢被伊告發楊愛將王坐送長官程善勸問本月二十八日朱留緝獲裴椿捉送楊愛處追要李淵不獲楊愛不合喝令皂隸楊杲亦不合聽使用棍責打二十省發寧家本年六月初三日王坐弟王均要赴本司訴理有把門皂隸羅庸阻當王均不合將羅庸叫罵因而互相採打喧鬧楊愛聞知將王均捉拿到官責問王均倚父王瑩曾教楊愛讀書將伊毀罵楊愛發怒喝

文肅公文集

卷之三十二

三

令皂隸趙文林亦不合依聽責打二十大棍趕出將王佐追贓給主問擬發落至本月十六日王均因打傷重在家身死本月二十日裴椿亦因傷身死本年七月二十五日有裴椿妻何氏因夫死無人養膳亦行自縊身死本月失記的日王景德國患瘟疫在家病故本年八月二十八日楊友因往干溪莊所經過楊愛獵場捕得鹿一隻楊愛恐伊侵占獵場差皂隸趙文良等拘山鄰周克義等審問不曾侵占當卽回家楊友疑是楊愛令趙文良等謀害當赴伊叔楊耀并頭目蘭

希純聞允亨程善說知前因楊耀等詢問楊愛委無謀害情

由勸諭楊友回家訖本年九月十六日弟張演因伊妾秀真  
在家炒鬧要得責打本婦氣忿在於茶房內自縊身死本年  
十一月內楊愛差長官何熹舍人李勳齋本赴京行至南陽  
府何熹等因與越熙雍舊識前去探望越熙雍整理酒飯相  
待何熹等喫飲訖就行赴京將本投進本年十二月內向崧  
陳敏馮鑰因彼處過活艱難告回原籍當差將一應文案交  
與馮瞰收掌本月日期不等楊友緝知伊使女三真王真俱  
與家人石朝祖通姦要行追究石朝祖逃走不知去向三真  
玉真懼罪潛於後房內自縊身死又有伊使女勝娘亦與家  
人王祖師通姦楊友遇見當時用鎗戮死本年失記月日有  
本司同知羅宏下家人谷雲南卽苟雲南因結構岩底等寨  
蠻人搶奪土民羅興富等家財事發本司捉拏監禁有何楫  
在監教唆苟雲南妄認係偏橋衛軍役又替伊寫書一封寄  
與土民蘭澄借銀打點被羅宏家人楊卿搜出前書具告本  
司行查明白將苟雲南量情責罰發與羅宏收領成化二十  
年正月內長官袁機男袁瑩應當本年分里長不合將甲首  
呂定走遞馬匹騎損倒死被呂忠告發本司行提袁瑩監追  
價銀買補馬匹走遞就行釋放三年三月內楊愛將銀一百

兩差張淮前去雲南收買寶石等物有張淮買得各色碎寶石七件犀帶三條并孔雀藥餌回家交與楊愛令人辯得寶石犀帶有假止留孔雀藥餌筭銀五兩將寶石犀帶令張淮領回變賣價銀九十五兩送還楊愛收訖本年七月內田忠病故伊妻冉氏問田貴討要先年借去銀兩段匹不與將倩赴播州長官司告乞追給本司委署吏日事仁水驛驛丞李鑑審得田貴係遼東安置人數呈送本司批差老人楊廣宣與弓兵閻鄭遞送綦江縣轉遞遼東都司查發安置楊廣宣閻鄭等各不合通同在家延住本年八月內楊友因與楊愛

文肅公文集

卷之三十二

五

不和纔將伊弟楊敏楊啟并妻妾家財搬往安寧住過止留楊敷在楊愛處撫養本年十二月內本州僧綱司都綱智全副都綱爛徽各患風疾不能舉動有今在官僧人智和未到官僧人永章各不合要得營求保任前職對本司署印僧人可用央說前情可用不合聽允慮恐該部叅駁捏稱智全爛徽俱各病故智和永章相應任職等詞具申宣慰司有楊愛明知智全爛徽見存不合朦朧具結將智和等申送四川布政司轉送禮部蒙將智和除授都綱永章叅查未報俱遇蒙成化二十一年正月初七日赦宥楊愛又不合不將勅書進

繼楊友何熙慶姚鑑王裕何文楊崙智和永章可用又各不  
合不行將情首官改正吳慶長壽黃保福僧義保九保小進  
朱大朱保元保僧保王壽何宸宐大進保唐奴福庸范蠻維  
保福元觀音張沅何勝昌王福善宋慶祥王永貴石超祖張  
保吳誠四保張永富楊善琴童王慶仁壽李馬龍章各又不  
合不行首官定奪弟張洪與趙氏又各不合仍前苟合住過  
劉淳先已問革又不合時常到於本司替寫文書劉壽劉鑑  
郭福亮張順各又不合仍在本州躲住不行回還原籍當差  
本月失記的日蒙巡撫四川副都御史孫查得本司申稱播

文肅公文集

卷之三十二

三

州長官司副長官李昂得患風疾正長官王炳先已病故伊  
男李勳王墳俱該襲替案行川東道轉行本司查勘如果相  
應徑自具奏本司查得李勳王墳俱係應該襲替兒男遵依  
案驗徑自具奏未曾襲替本月二十八日梁章等挑擔鐵器  
經過本驛門首有驛丞王贊看見要行捉拏着役梁章等抗  
拘不服反將本官辱罵王贊不甘具申本司批差頭目何熙  
恭拘拏問本月二十九日揚廣宣等將田貴解至碁江縣安  
穩舖遇晚宿歇不期田貴窺俟解人睡熟乘機逃脫不知去  
向楊廣宣等隨赴本縣安穩驛告知具申本司將楊廣宣等



問罪發落訖本年二月內弟張深節次在外揚說楊愛驢伊金一百兩要赴上司管理楊愛訪知將伊拘拿在監要行究問弟張深懼怕訪得顏珪與舍人宋良頭目周從鶴俱在楊愛處用事要冤各人方便解釋將銀三兩送與軍人陳源五兩送與民人楊犬託伊將錢物轉送顏珪等央說前因有陳源楊大各不合許允接受前銀就替弟張深將銀二十兩玉連環一副駝絨一匹直銀二兩銅相帶一條直銀一兩送與宋良又將銀二十兩金相寶石滿冠髻一箇重九錢金相寶石掩鬚一箇重一兩一錢送與顏珪又將銀三十兩送與周

文肅公文集

卷之三十二

五

從鶴央冤各人到楊愛處方便有顏珪宋良周從鶴思得弟張深先已追贓問結不當監禁各不合接受前項銀兩等物稟知楊愛將弟張深保領回家本月十二日弟張深訪知三真在伊父家躲住又不合使令已故家人陳奴將三真強奪來家姦占爲妾本年三月內本司差長官楊玉管解馬匹赴貴州布政司交割給軍騎操該司具本令楊玉領回起程問楊玉因患傷寒病證具告本司轉差王平安撫司同知楊鼎頭目張檜代替齋進楊鼎張檜各不合依聽頂名齋本慮恐

中念脚力難討各騎長行馬一匹到於重慶府上船行至南

沈驛被風打破船隻前馬渰死楊鼎等得人救出將本齋進  
訖本月日期不等有楊友與劉大榮因九年久不曾征進各  
又不合將原領官布五百匹通同侵欺陸續賣與過往不知  
名客人共得銀一百五十兩內將二十兩分與劉大榮其餘  
銀兩楊友盡收入已本月失記的日有楊愛因見伊父原立  
坊牌年久損漏重新脩飾思得先奉勅書內有以旌爾義等  
字樣就於坊牌橫額添寫旌義之門四字本月初三日楊愛  
思得何楫費用係應該給主之贓例該給何楫不肯承認反  
行辱罵有楊愛不忿又不合喝令皂隸李神亦不合聽使用

文肅公文集

卷之三十二

五

大棍打訖三十至本月初五日何楫因打傷重身死本月初  
八日何熙恭拘提梁元等到司楊愛因怪梁元等躲避差役  
辱罵官長喝令皂隸苟兆亦不合聽使用大棍各打四十當  
令尸首梁黃領回本年四月十二日梁元因打傷重身死本  
年月日不等有梁元男梁瑀梁三梁鍾及伊弟梁隆因患瘟  
疾病證陸續在家病故本年閏四月十二日夜有楊輝妾賈  
氏因在桃溪莊住坐被李用之手執腰刀一把將本婦房門  
空開進入偷盜開家人梁成立知覺登時用鎗殺死次日早

賈氏到於楊愛家說知前情將屍擡出召人識認有李鑑圖

恐怕楊愛追究不敢認領就擡往地名羅壁坎埋訖本年六月內有頭目柳靖男柳春因與土民杜齊賢爭奪水槽被杜齊賢將情并柳春調戲父妾袁氏等情具告本司行捉到官問擬發落訖本年七月內唐王要買壽器聞知越熙雍曾在播州教書本州出產紫杉材板差校尉張琳將銀五十兩前來本州收買及分付越熙雍寫書一封令伊男越美同張琳送與楊愛託伊主張收買堪中材板楊愛就將前銀照依時價轉買紫杉板二副交與張琳帶回訖本年八月內是淵與弟張洪張深張演男張采要謀殺楊愛密與楊友說知楊友

文肅公文集

卷之三十二

美

喜允淵因俞溫素與楊愛不和對伊說知前情俞溫不合聽允本月初七日淵令已死軍丁黃成叫朱留到於淵家樓上說與謀情就將苗銀三十兩交與朱留黃成言說你每若將宜慰謀了我再問宜撫討銀一千兩好田莊一處賞你等語有黃成朱留各不合聽允接受前銀淵又令男張采取出鷄一隻酒一壺刺血對天立誓飲酒各散因無方便一向不曾下手後淵遇見俞溫說起前情俞溫慮恐事發連累推託不允本年九月內淵使女菊花與顧工人馬奴各不合私自通

姦本年十月初八日夜有長官程善被賊人周師偷盜銀臺

蓋等物轉寄與江西客人鄭彥林藏放程善緝知具告本司  
行提問鄭彥林隨將銀臺蓋等物送還程善收訖本司將周  
師等問擬發落本年月日不等有湖廣丹章苗首苗老平帶  
領苗賊攻打湖廣翁弓翁牙寨又將安寧所管平加并平茶  
公羊地五凱宅凱塘五寨放火燒毀房屋掠去人畜有寨長  
香保與總旗謝從祿等報知楊友討軍策應楊友要得乘機  
擄取土軍到彼守備有徐泰馮璧劉大榮與頭目楊光明侯  
正綱駱慶隆袁淮趙政趙榮各不合撥置楊友捏稱苗老平  
僭號稱王大聚苗衆圍困舟溪等堡復來攻打本城軍寡糧  
文肅公文集

卷之三十二

三

缺陷在旦夕危亡莫保等詞徑申合于上司蒙鎮守巡撫巡  
按官行仰四川都布按三司轉行都指揮僉事楊剛卽楊綱  
右叅政謝士元僉事陳璉會勘問陳璉丁憂去訖改委副使  
翟庭蕙會同勘報楊友又不合故違巡撫孫都御史奏准事  
例輒將前詞具本差頭目何廣齋至貴州舟洞鋪遞奏有重  
安長官司將楊友徑奏情由具申本司楊愛遵依前例差頭  
目姚三卽姚善明沿途揆查到於河南地方失記名鋪內將  
前項奏本取回差人齎赴巡按四川都御史劉處行令分巡  
分守等官查勘一向未報本年十一月內有楊愛批差頭目

猶瑾家人楊昭往江西吉安府廬陵縣仁塘村緝拏強盜周鐸陳華不獲楊昭等在於吉安河下搭船回還遇見今在官民人會循道亦在彼處搭船楊昭等詢問會循道說稱諳曉陰陽風水要往湖廣等處與人看地有楊昭對伊言說我家老宣慰葬後人說風水不利你與我同到本州尋得好地遷葬自有相謝會循道聽允不合越關跟隨楊昭到州楊昭與楊愛說知前情令伊四散尋擇好地一向未回本年十二月日期不等有土民楊本宗告稱宣撫司吏羅昂將伊堂弟楊章強占在家及土民朱源告被本司吏杜忠厚占奪墳地楊文肅公文集

卷之三十二

天

愛行提羅昂杜忠厚到官追出楊章給與楊本宗領回將墳地斷還朱源就行問擬發落有楊友差禁子黎辰勾喚在逃土軍沈進黎辰不合索要沈進綿布四疋入已又差健步苟章勾喚逃吏馬輔有苟章不合索要馬輔銀二兩五錢綿布六疋入已被沈進馬輔告發楊愛行提黎辰苟章到官各追布疋銀兩給主亦行問擬發落成化二十二年正月二十一日有宣撫司守堡總旗蘇章失火燒毀城樓一座延燒土軍二十二家楊友差人捉拿蘓章到官令皂隸羅犬責打三十

發回守堡後緣章沾患黃腫病證身故本年二月內有宣撫

司軍人侯玉因被戶丁侯明挾騙家財將情赴楊愛處告理  
當差頭日牟榮拘拏侯明到官問擬明白發落訖本年三月  
內淵訪知楊愛要去雷水祭掃密令朱留等前去地名三木  
堙伏候仍令馬奴已死弟三奴在彼幫助三奴對朱留言說  
你每不要害怕我家長先年用藥毒死楊孜至今不曾發露  
不期楊愛往地名冉家上墳朱留等各散回家本年四月內  
淵訪知楊愛要於本月二十五日去會川莊所請客飲酒仍  
令朱留等各帶弓箭往地名箐川崖上等候間湘川驛報稱  
南京戶部郎中黃東山來州公幹楊愛走馬回還迎接朱留  
文肅公文集

卷之三十二

无

等倉卒不得下手本月失記的日本司爲慶賀事照例將馬  
二匹批差安撫猶瀟頭目牟麟祥與弟張演解赴貴州布政  
司交割給軍騎操該司就將給過緣由具本令猶瀟等領回  
齋進起程間猶瀟爲因該管地方彙情張演等各因患病具  
告本司有楊愛不合准聽轉差何熹向崧與頭目何子淵齋  
進何熹向崧何子淵各不合冒頂猶瀟等姓名齋本赴京本  
月二十六日有楊友批差總旗趙昱齋捧本年冬至并成化  
二十三年正旦表箋赴本司轉送四川布政司類進有趙昱  
不合在家延住本司不見齋到差祇禁王成母鄭尹二前去

催促趙昱方纔赴司有何熙慶并該吏楊崙羅仁壽查得趙昱違限月久稟知楊愛將趙昱發本司經歷金順處問擬違限答罪的決訖仍令趙昱將表箋齋進趙昱因見遲違不肯前去本司批差長官趙經代伊齋送布政司就於趙昱名下追苗銀一十四兩給與趙經收作盤纏并雇人擡表等用本年五月內有遼府失記名孫儀賓家人孫全央華陽縣民人李遵前來本州問楊愛收買黑鉛楊愛明知趙月升家寄放黑鉛一百擔係應入官之物不合輒將前鉛隱情賣與孫全得銀一百三十兩入已本月初八日容山長官司將何清侵文肅公文集

卷之三十二

三

尅錢糧等情具申四川布政司蒙行仰宣慰司徑自查追有楊愛明知何清係是土官例該奏請不合故違輒便收監追併本月日期不等節蒙巡撫等官行催楊綱等將楊友所申賊情作急勘報有楊綱等纔方行委重慶府衛指揮使徐繼通判孫佐與同知羅宏督同楊友等前去各寨體勘本年六月內楊綱謝士元到於本州楊友差苗入頭目總六等齋文赴各官處投稟有謝士元嗔怪楊友申報賊情多有不實當將總六責打四十發回本司楊友不忿對徐繼等言說三司大人不肯親臨勘報反將齋文頭目拷打不知意要如何徐

繼等用言勸解本月二十日是淵與弟張洪張深男張采并何清未到官第何源何淳謀說顏珪常跟着宣慰人難下手莫若先將顏珪殺了有弟張洪張深男張采并何源何淳各不合聽允本月二十三日何淳令伊家人馮二叫伊今在官妻弟馬隆并原跟何清民人黃寒到於淵家言說今宜撫封銀一百五十兩討人要謀顏珪你每若肯用力將這銀子克賞就將箇銀二包與馬隆黃寒看過各不合許允有男張采將身穿青布褶一領銀二兩六錢鐵鞭一條鏢一根交與馬隆令伊雇人併力又將銀五錢交與黃寒做神福有馬隆等

四散尋人彼時有江西民人傅禿子不合越關在於本州買賣馬隆與伊說知前情請伊同做神福喫酒傅禿子又不合回說你得方便却來尋我不去喫酒馬隆又與軍人許先石關羊謀說前情各人懼怕俱推托不允本年七月內楊友將伊父妾玉香取去安寧轉嫁與湖廣都司都指揮僉事許英爲妾有玉香父張順不知改嫁情由疑是楊友姦占伊女爲妾本月初八日翟庭蕙亦到本州次日翟庭蕙與楊綱謝士元同到楊愛家看祖訓碑楊愛安排筵席相待令人喚樂戶劉鑑郭福亮又各不合依聽到伊家彈唱勸酒至第三日翟



庭蕙詣文廟行香楊綱謝士元陪去行禮已畢彼有本處軍民照依年例迎賽壁山土主裝扮義夫節婦過街人馬喧鬧男女混雜有楊綱謝士元翟庭蕙自合迴避各不合在本學儀門下坐看楊愛因見各官坐久安排卓面四張擡到彼處要行勸飲各官因見訓導楊禮詞色不平就各散回不曾飲酒有楊綱訪知本州有桃源洞邀請謝士元翟庭蕙到彼遊翫飲酒作詩至晚纔散後有徐繼孫佐勘得苗老平等攻燒平加等寨是實別無僭號稱王等情呈報楊綱等處楊愛因與楊友不和捏稱馮暎刻契引惹生釁等詞呈報各官致蒙

准信通將前詞混同徐繼等勘過緣由開報鎮守巡撫等官蒙轉行各官將馮暎等提問仍行楊愛將在逃土軍督發前去安寧守備有謝士元等各又不合一向因循不會施行本月初十日有楊愛生子朱留王成密對淵說如今宣慰有子那事快莫做了是淵回說既是如此先與你的銀兩我也不取切莫漏泄朱留等應允是淵回家慮恐各人漏泄前情密與弟張深張演男張采同謀要將朱留黃成等殺死免致漏泄有張深張演張采各亦不合聽從本月十一日晚弟張深張演男張采詐說要往朗山莊上取米帶同黃成三奴跟隨

前去行至洪江大箐張深又不合將黃成捉去林內用刀砍死將頭丟棄洪江水內被水推流不知下落張演張采在傍不曾下手次日晚有三奴來到地名水磨塘遇見朱留說知黃成被殺情由就約朱留逃出潛躲有張采等隨後趕去將三奴捉拏回家當夜一更時分是淵將使女賴補與三奴趕出叫三奴進屋裏用索勒死令伊兒馬奴等擡出牆後埋訖朱留懼怕通將前情具狀赴本司首發差人緝拏聞是淵與弟張洪張深張演男張采聞知事發就行脫逃經過謝家金竹等寨恐怕本司差人追趕又對各寨苗人詐說宣慰見文肅公文集

卷之三十二

三

請四川三司在州點集軍馬要來殺你各苗有苗人聽信聚集人衆把截道路本月十七日淵等走到安寧城內思得事已發露密與楊友商量要行誣奏楊愛遮掩前罪楊友許允淵又令伊寫書一紙寄與俞溫開稱弓長兄弟到備道閣下所舉頗似丈夫之志其後又更初心不過首鼠兩端我與弓長商確大事已遂何不圖富貴等語封訖令伊家人唐寒不合依聽齋與俞溫把渡舍人毛鉉捉獲連書解赴本司本月二十三日楊愛差人押帶朱留與黃成義兒黃鼎到於洪江大箐尋見死屍一軀無頭有黃鼎言說黃成左腿有一箇

瘡疤當有里老人等將屍翻轉令黃鼎看驗黃鼎看得本屍左腿委有瘡疤認係伊弟身屍放聲大哭又於淵家牆後尋出三奴身屍驗係勒死回報本司行委經歷金順審供明白將朱留等監候問擬楊愛通將前情具奏抄送兵部轉行都察院案候間本年八月初四日是淵寫書一封楊友將渡金相犀帶一條交與皂隸韓唐亦不合依聽前去貴州請熟識舉人路義轉喚彼處鎮守巡撫等官奏稱苗獫狴獠及楊愛把截道路等情行至中途被安撫宋韜捉護連書帶解赴本司楊愛將書折開驗係淵親筆將帶及原書收訖另行謄寫

文肅公文集

卷之三十二

五

一封差家人謝周假作楊友伴當送與路義有路義得書不合依聽前去彼處鎮守巡撫官處央說前情俱各不允路義就行寫書一封與淵說稱安寧人至始知執事避難而行務要搜根剔齒將本官違法事件備奏一本方免此患不然恐落姦人之手等詞又寫詩一首說稱兵機本稿屬都堂此老贖患沒主張等語寄與楊友俱交與謝周帶回楊愛開折前書備抄轉呈四川鎮守巡撫等官處俱蒙行仰分巡分守官員勘問未報本月十三日有父張鈺令家人李奴叫馬隆到家不合對伊言說淵等在於安寧聽信你每商量的事上緊

做了罷馬奴許允倉荒出門間被軍人何旗捉獲送司審出前情將傅禿子等拏獲通發經歷金順問理追出賊物在官是淵峻使楊友作急進本楊友又不合要誣楊愛等重罪將情添捏楊愛差旗校趙文良等一百餘人暗行謀害有伊知覺起叔父楊耀并諸親長處說知前情楊愛又將舍人何楫陷死長官何清頭目柳春健步苟章等捏故監禁俞溫田豐王標等挾制在家止有徐泰馮敷劉大榮等在城備禦又被楊愛趕逼及用巫師魘魅縱令長官張通扇惑苗彞反叛築城未完欺罔誑奏及差頭目謝淵家人羅添鳳等四路把截

有叅政謝士元都指揮楊綱副使翟庭蕙前來體勘被楊愛與顏珪將金銀買屬各官朦朧叅駁及將勅書出則背隨擺列儀仗騎坐金鞍私造火器旗纛金瓜鉞斧常調總旗趙旭等號爲圍子手侍衛親軍詐傳勅旨擅立金龍門又打金印內鑄上輕車都尉章五字及將袁瑩黎辰羅昂杜忠厚侯明捏事監禁欲陷其死并將苟章侯明一家抄劄又將裴椿及梁元梁瑀梁隆梁三梁鍾各打大棍一百俱各身死令舊吏周從龜巫師侯玉等魘魅馮敷身死徐泰右脚腐斷強捉李用之往庶母貫氏莊居殺死圖賴貫氏與李用之通姦貫氏

親往伊家辯理楊愛懼罪陰令程善閻允亨用財買免又將田貴捏故令老人楊廣宣閻鄭等解到悶頭鋪殺死又將父妾蔣真馬真欺姦與馬真姦生一男密地壓死令唐奴收埋擅開尚薨家等處鐵冶二十四處令偽太監曾保燒煉熟鐵專造軍器擅置機院將民人趙其江文仁張川保等一百餘戶充機院織匠以偽太監王壽管領織造龍鳳蟒袍又於白田壩擅立商稅局起調軍馬三千餘衆假以水西送長陰欲演習武藝擅立教坊以偽太監吳慶掌事以良民張永壽吳從義爲左右局使抄捉良民龐光期女勝真福真等一百餘

文肅公文集

卷之三十二

美

名充女樂令樂戶劉壽教習雜劇每遇節旦楊愛身衣龍袍夫稱國主天主妻稱地主擅立局院以偽太監黃保管孳牲局何宸亶管馬院大進保管大厨小厨二局又將侍女宋真強姦本女不從楊愛剝去衣服綁縛在地將黑雄狗百般陵辱以致自縊身死又將各里人民科派上戶八兩中戶下戶不等培尅入已各民稅糧設計攬納多收折色銀兩軍民人等有犯脏罪每銀一兩追銀二兩及令偽太監王壽驅役良民康冉唐一蕭榮祖等巧打二龍戲珠金盆織造龍袍其卧房則有金龍遶柱珍珠簾幕獨占家財將父原收金五千兩

銀一十五萬兩并珊瑚樹十株珍珠簾四幅玉圭二笏走盤珠二枚寶石三斗珍珠四斗并金玉違禁器物及養老莊田子粒六萬餘石馬五百餘匹牛二千餘頭獵場茶園漆林杉山獮羊等項不計其數等項虛詞令淵開寫奏稿是淵說稱這等情詞不足聳動朝廷莫若捏他妖言詩句顯出他不軌之跡楊友言說你就替他做兩首詩句寫在本上是淵明知有例造妖言者正犯處死全家發烟瘴地面充軍隨佳又不合故違捏稱楊愛曾言我夢騎龍上上帝謂我曰南方帝子來也楊愛又曰人相我有天分我若得志共享太平又作

文肅公文集

卷之三十二

七

詩曰陰雲終日蔽長空咫尺衡門有路通霹靂一聲震天下南方須起赤鱗龍又曰古今豪傑貴謀身虛度光陰二十春不向蜀中興事業却來俯伏屬豬人以粉板寫之掛於睡房金龍柱上等語添入本內寫成奏本及將遙振錯寫作搨振財輕義重錯寫作財輕重重字樣擅用本司印信令楊光明齎赴通政使司投進抄送都察院蒙本院奏差刑部錦衣衛堂上官前來四川會同鎮守巡撫巡按官員勘提本將楊愛所奏情詞行移各官併勘有弟張深又不合誣奏親王及誣

楊愛等重罪仍將楊友所奏虛實情詞添捏楊愛僭擬朝廷

修立五門牌扁正庭僭稱宮庭內立嵩呼門僭設金水橋廳  
房貼金描畫臥床雕刻龍鳳身穿星斗龍鳳衣服於玄妙觀  
設本命金龍牌一座真萬歲牌並立差頭目趙杲將銀五百  
兩金五十兩金帶一條送與謝士元又令顏珪將銀盆一口  
銀三百兩金帶一條銀相了事一副送與楊綱及差頭目閻  
晟將銀五百兩金五十兩金帶一條送與翟庭蕙楊愛設宴  
相待各官每席送金花一朵伊妻田氏用綵段針線鞞鞋金  
盞銀臺贄見俱各接受又差何熹李勳等潛往唐府交通本  
府宴賞何熹等回還備道王待厚意楊愛潛爲姦計令楊鼎

文肅公文集

卷之三十二

三

帶戰馬二匹進貢唐王有本府亦差校尉張琳舍人越美送  
楊愛密書一封大小書五部不知是何文籍武書彩色表裏  
二副楊愛叩首跪拜接受與張琳等設宴回寄唐王密書一  
封與張琳越美每人銀五十兩又科銀一萬餘兩預備夫錢  
令僞太監長壽王壽家吏王從仁等造辦軍器又差頭目王  
杲收買羅段以備賞勞變亂舊章將舍人王瑱李勳徑白奏  
請襲職體得會循道能觀天象諳曉兵機迎請到州拜作軍  
師口看兵書夜觀星斗又於雷水塑立楊輝神像龍章鳳式  
見存又差長官馮琪舍人楊才來京打聽消息擅開銀場遞

年煎銀萬千餘兩黑鉛數萬餘擔起集人夫每年砍花杉一萬餘副一半買屬來往官員一半發往蘇州等處變賣僞太監王景德要赴京陳訴楊愛捉回凌遲碎剮及怪舍人程暹不拏王景德故縱強盜周師等將伊劫掠及將伊貶去廣東安置又怪堂兄張淮跟趕王景德遲延令伊領銀一千兩前往雲南收買石澤生象張淮止買得寶石犀帶等物回還楊愛收訖仍將張淮追銀一千兩貶去地名赤水萬里箐羈管閑住又因布政司差人齎銀前來買金楊愛將銀收在伊府令長官楊廣等科追殷實大戶赤金二百餘兩加耗四十

餘兩楊愛只將低金混鎔解赴布政司折楊愛反將伊追陪淨金四十兩又令伊領銀二千兩收買石澤等物止買得珍珠寶石猫精等物回還楊愛又行杖併陪銀一百兩又指稱先年解金秤折爲由令校尉楊辰高泰擒拏嚇騙赤金九十九兩又要牢禁陷害只得將大紅紵絲一疋分與內官羅保託伊將銀一百兩送與伊妻田氏又將銀一百兩送與伊妾田氏及將玉條環一副銀五十兩送與長壽又將銀十兩送與陳源託伊將銀三十兩送與顏珪又將銀十兩分與民人楊犬託伊將銀一百兩送與周從隸方纜姑容楊愛奪占



山林每年起集人夫過春採茶萬餘擔遇夏米價高貴起夫分運子粒往重慶等處變賣遇秋至冬差黃保等總督官目子弟打捕猪鹿馬熊一萬餘隻小獸麀鹿不記其數運回總府又倚買金爲由於播州長官司科銀二千餘兩親管二十二里科銀一千餘兩令家吏李孝思追收孫全將金五百兩問楊愛買黑鉛五千擔差頭目閻祐運至臨河交付又將糧價一萬兩官布五百疋俱剋落入已追過賍錢罰贖等項每年追有一二萬兩本年六月內將藺希真文錦韓靈追有三千七百餘兩自楊愛管事以來約有萬萬餘兩又將民人趙

文肅公文集

卷之三十二

罕

高僧幼女玉真強擡入府姦宿爲妾又因進貢馬匹科苜銀一千五百餘兩又將埋沒軍役一千五百名擅編圍子手設立總旗六名楊善林楊瓚楊源趙旭未鎮郭聰等管束僞設校尉千戶八名李弼張朋李聰羅琪趙溫良聶俊何廣王鑑等專一擒拏斬殺又將各處田土編成府分每府設一僞大監一都從并都官都保提督及開福僧王壽等一十八名俱係太監趙玉猶鑑等一十八名俱係都從苟郭等六名係牌首吳從義張永壽係局使羅馬僧係局長李福愛呂何係提領祿壽羅保等七名係內官何文係屯田司令等項虛詞及

錯寫唐府係湖廣防隅傳導沿砦鉗封等字俱各差訛開款  
具本齎赴通政使司妄奏有何清因恨楊愛將伊監追糧價  
亦要誣伊重罪將楊玄與弟張深所奏虛實情詞添捏田貴  
前來取討原寄珍珠玉腕珠簾龍劍金銀等物楊愛主令長  
官趙經將田貴擒拏令閻鄭等解至悶頭鋪打死假作脫逃  
及將伊男何樺痛打一百二十棍不死當夜禁子羅欽趙文  
林用索絞死又要將伊打死只得將銀盆一口惹頭目楊大  
簡送與顏珪又將水田一段請吳三元送與長壽方得性命  
伊弟何洙帶引繼男何高保何召赴京伸訴楊愛主令毛釗  
文肅公文集

卷之三十二

四

前來截殺將何高保何召併鞍馬一副盤纏銀十兩盡行劫  
回未知存亡智和永章交結長壽號曰國師楊愛見仁懷儒  
溪二里出產石青石綠擅取作親管里分逃年仰傳禱追人  
銀兩黃蠟錦布入已本州夏秋稅糧每石止用苗銀六錢楊  
愛每年委官目一人追苗銀二兩剋落花費等項虛詞及稱  
楊輝詐作蠻人攻破地方將稅糧停征三千一百餘石追收  
剋落入已等詞令伊弟何洙亦不合依聽出名具本越關赴  
京妄奏俱抄送都察院蒙將弟張深解回何洙給引照回聽

理問本年九月內淵問知楊愛將淵等謀害事情奏發懼怕

上司差人挨拏哄誘楊友指以赴京伸訴爲由帶同劉大榮等并楊友原分得火者張沅何勝昌王福善宋慶祥王永貴石超祖張保到於貴州地方潛住後聞鎮守等官差官沿途跟趕又到湖廣荊州府地面躲住打聽得都察院已將弟張深逋回聽勸楊友懼怕逃發不敢前進又行捏稱楊愛分投差安撫宋韜猶瀟長官張經毛釗舍人李勳韓清等調所屬軍兵三五百十餘衆在於鎮遠荊州沙市等處駐劄邀截及用金銀買囑巡捕等官容情不舉又增調軍馬四路遏截密行謀害等詞具本差頭目彭宣齋奏仍將前詞具狀令楊光明抱赴欽差官員處妄訴是淵思得楊輝先年分與楊友楊敏等火者并蟒龍衣服慮恐楊愛許出又教楊友捏稱楊愛將火者張沅等一十九名及本家織造蟒龍衣服二件分與伊兄弟服用故將數內吳誠等拘留不放等詞具本連蟒龍衣服二件并跟隨在彼火者張沅等七名俱令彭宣等解進有劉壽宋齊賢劉守堅黃鼎張淮等各將楊友欺姦父妾霸占田土侵尅官布并洲與弟張洪張深張演男張承謀殺人命盜取鋪陳侵欺官錢等項事情各赴播州長官司首告站戶羅昂因被楊友連年占殺不合捏稱楊友將蘓章捉去用

大棍打一百卽時身死等詞具狀赴本司妄告有本司署司事舍人李勲又不合輒將各人首告情詞添捏弟張深先年剋落宜賓富順二縣糧銀等詞混同開款具本奏發楊愛亦將朱留原首淵等謀害情詞并何清等侵欺軍糧等情具奏有草塘黃平二安撫司安撫宋韜羅贊眞州容山重安餘慶白泥五長官司長官鄭旭輪張經張通楊玉毛釗亦各將楊友何清等奪占地方侵盜錢糧激變夷民殺死人命等情各具本奏發楊愛聞知楊友赴京仍將前項情詞及添捏楊友欺姦父妾玉香綠鸞等詞混同具本妄奏俱蒙都察院抄詞

轉行原差官員併勘蒙差人將淵與楊友等緝拏前來發湖廣都布按三司委官都指揮僉事房昂等撫提一千人證到官逐一責對明白弔查各起文卷相同通將審過緣由連人犯呈解前來審得楊愛執稱自幼喪母家財俱係庶母田氏收掌若有金銀違禁器物田氏俱與楊友楊敏兄弟所奏珍珠簾走盤珠玉圭等物委的並不曾見楊輝存日將金銀等物均分見有分單存照數內違禁之物情願一一入官不繳勅書是實並無擺列儀仗及私造應禁軍器金瓜鉞斧等項蔣眞馬眞俱係楊輝使女馬眞先已病故楊愛並不曾將蔣

眞欺姦生子唐奴亦不曾替楊愛收埋姦生之子劉壽執稱  
楊愛令伊教習雜劇是實並無抄劄良民婦女克女樂及身  
衣龍袍及事內人證俱執稱勅賜坊牌係楊輝起立楊愛止  
是修飾添寫旌義之門四字不曾詐傳勅旨擅立金龍門及  
打金印內鐫輕車都尉等字蟒龍衣服係楊輝存月令人於  
南京等處收買本州原有鐵戶八十六戶逐年自行煉鐵營  
生楊愛並無擅開尚甕家等處鐵冶二十四處折糧銀兩係  
身故並不係楊愛令侯玉等魘魅身死楊愛本家養有牲畜  
馬匹俱係家人李孝敬等看管遇有做造器皿起蓋房屋俱

係雇侍人匠並無擅開大廚小廚等項院局播州長官司原  
額商稅鈔貫週年責令頭日戴景清于福宗照數徵收春秋  
祭祀買辦祭品作數支銷楊愛不曾剋落入已亦不曾於白  
田壩擅立商稅局康冉平日止是打造龕槌首飾趙其江文  
仁止會織造布匹蕭榮祖止會琢磨假玉作網圈之類並不  
會打造二龍戲珠金盆織造龍袍本司受理一應詞訟止是  
照依夷俗講斷有願納米贖罪者責令或出牛羊或出麻布  
或銀一二兩凡遇一應公務作數支銷並無多收銀兩入已

安寧成郭俱已築完楊愛並無欺罔誑奏及楊愛親叔楊耀

執稱楊愛襲職以來遵守法度並不敢僭逆夫稱國主天主妻稱地主止是頭目以下因見長壽顏珪有寵以此稱長壽爲老爺顏珪爲大人楊愛違例不令佐貳官封記印信是實用使之時俱令羅宏知會並不會在於私家偷使王景德病故身歿見存楊愛不曾將伊碎副趙高僧女玉真見嫁土民王勝宗爲妻楊愛不曾姦占爲妾本司土軍除分撥各司備案見存一千三百名並無理沒軍役亦無擅立總旗校尉千戶名曰水田柳川等處俱係楊愛田莊並無設立屯田府分福僧等俱係楊綱楊輝闢割火者亦無僞稱太監都從名色

文肅公文集

卷之三十二

聖

田貴係播州長官司起解中途脫逃楊愛並無圖財謀殺會循道止是尋看風水並無夜觀星斗楊愛因伊授業師越熙雍寄書替唐王收買材板並無交通情由唐王亦不曾賜與綵段書籍綵鸞先已改嫁舍人羅昇楊友並不會將伊欺姦又審得何清王坐并梁瑀妻易氏裴椿弟裴林執稱何楫王均梁元裴椿係楊愛因公打死身屍埋葬已久不願檢驗蒙委忠州知州陳秉燹內江縣知縣陳銓各帶吏仵押發屍親黃鼎馬奴王志相驗得黃成無頭屍已潰爛衆執生前前委係弟張深用刀砍死三奴頸有縊痕生前前委係淵用索勒死王

景德身屍渾全生前委因病故又委各官到於地名雷水看得楊輝塑像止是朝冠朝服並無龍章鳳式又蒙委湖廣三司委官會同四川三司都指揮劉昇右布政使李清僉事馮寧親至楊愛住宅內看得並無五門牌匾及嵩呼門金水橋中庭扁作忠孝堂亦不曾僭稱宮庭睡房俱無貼金描畫及金龍透柱臥牀亦無雕刻龍鳳其祖先堂承恩堂并小廳左右角門俱有飛簷轉角放印亭重簷圓頂楊愛并伊伯母田氏住房及中廳前俱有月臺臺下各有水池池中各搭石爲橋周圍俱有青石闌干俱係楊昇存日起蓋西邊又有玉皇

祠中塑聖像左右二柱各有木刻金裝龍一條係元朝天統元年楊愛六世祖楊嘉貞起蓋畫圖貼說呈報前來又審楊耀并伊親族及楊友母舅日宗善同詞執稱楊愛祖父以來並無珍珠簾走盤珠玉圭等項是的楊孜委因傷寒病故不係淵等用藥毒死看得長壽曾保黃保養保大進保王壽福庸吳慶福僧大朱保元保九保俱各年老見患風癱癱跛等疾責令醫生崔永和看驗是實不堪起解可用執稱先於成化十八年八月初十日被賊入偷去度牒已行告官挨訪不獲及審弟張深等執稱父張鈺風癱在牀已成篤疾止有何

清奏稱楊輝自正統十四年以後詐作蠻人攻破地方將稅糧停徵三千一百餘石通年追收剋落入已一節本司文卷散亂難以憑據另行布政司查報定奪除將長壽等暫發羈候貫氏等咨發聽候將淵等研審明白實招罪犯外結得銀一兩直鈔八十貫招結是實張深等七十一名招同張通等四十名供同照出張采何源何淳馮璧劉大榮侯正綱袁淮趙政吳誠四係張永富楊善琴童王慶仁壽李馬龍章路義永章俱另行楊友楊愛原分金玉首飾器皿等物并楊友侵盜官布價銀一百五十兩楊愛賣鉛價銀一百三十兩原追

張深等剋落金一百三兩九錢九分何清侵欺糧米六百九十三石八斗六升五合周從鼎宋良顏珪陳源楊大接受張深銀共七十八兩玉連環一副駝絨價銀二兩銅相帶價銀一兩金相寶石滿冠髻金相寶石掩鬢各一箇張洪侵欺馬價銀一百兩鋪陳價銀一百八十兩及朱留首出銀一十五兩張淵負欠李瑩地基價銀六十兩嚇取王宋保銀一十兩張演騙取綦宣銀三十兩主無見在俱合追入官楊永原占劉永堅地基并楊昌福等水陸田地責令退還原主管業占役帖戶孫羊等退出當差楊愛原奉勅書一道合追進繳追



出智和原給度牒合送該部查銷楊愛違式房屋石橋闌干  
行令折毀改正平來文卷發回各衙門備照議得張淵所犯  
除謀殺人造意并故殺雇工人威力主使人毆打致死等罪  
張深除從而加功并誣告人死罪未決等輕罪外張淵合依  
造妖言者律斬張深依豪勢之人強奪良家女姦占爲妾者  
律絞俱秋後處決楊友除本犯應死而擅殺等輕罪外依官  
物當應給付與人已出倉庫而未給付但有人守掌在官若  
有侵欺者計贓以監守自盜論四十貫律斬楊愛除因公毆  
人至死等輕罪外比依軍官犯罪應請旨而不請旨當該官

律絞俱雜犯照例納米楊愛仍盡因公歐人至死本法每各  
追埋塋銀一十兩給付死者之家張洪張演何清顏珪何熙  
慶俞溫劉淳趙氏劉壽劉鑑郭福亮張順王裕姚鑑何文楊  
崙小進保何宸玄唐奴范蠻罷保福元觀音長壽黃保義保  
曾保大進保吳慶福僧九保大朱保元保王壽福庸俱除草  
前罪名何清若奏楊愛令閻鄭等將田貴打死得實閻鄭合  
坐以謀殺人從而加功者絞今虛依誣告人死罪未決者律  
張洪依以威力主使人毆打致死者下手之人爲從論減一  
等律張演依謀殺人從而不加功者律顏珪周從嘉宋良陳

源楊犬俱依受財不枉法無祿人一百二十貫之上罪止律  
朱留依卒謀殺本部五品以上長官已行者律俱減等各杖  
一百徒三年李勳依奏事詐不以實者律減等杖九十徒二  
年半苟兆楊景李神趙文林俱依聽使下手之人通減楊愛  
因公毆人至死二等律各杖八十徒二年馬隆黃寒傅禿子  
俱依謀殺人已行未曾傷人爲從者律減等各杖九十曾循  
道何洙俱依越度關津者律減等各杖八十何熙慶俞溫劉  
淳王裕姚鑑何文楊崙趙氏菊花何熹向崧楊鼎郭欽劉壽  
劉鑑郭福亮張順韓唐羅昂唐寒可用智和馬奴小進保何  
文肅公文集

卷之三十二

吳

宸玄唐奴范蠻羅保福元觀音長壽黃保義保曾保大進保  
吳慶福僧九保大朱保元保王壽福庸楊綱謝士元翟庭蕙  
楊光明駱慶隆趙際田豐俱依不應得爲而爲之事理重者  
律減等各杖七十張洪張演俱係張淵弟照依造妖言事例  
全家發烟瘴地面克軍隨住何清顏珪周從鼎宋良李勳何  
熙慶俞溫劉淳王裕姚鑑何文楊崙向崧楊鼎郭欽楊綱謝  
士元翟庭蕙楊光明駱慶隆趙際小進保何宸玄唐奴范蠻  
羅保福元觀音九保元保俱照例納米陳源楊犬苟兆楊景  
李神趙文林俱照例擺站各完滿日馬隆黃寒傅禿子曾循

道何洙劉壽劉鑑郭福亮張順韓唐羅昂唐寒馬奴俱民人  
可用智和俱僧人各的決趙氏菊花俱婦人各單衣決罰長  
壽黃保義保曾保大進保吳慶福僧大朱保王壽福庸俱廢  
疾人依律收贖朱留係自首發田豐犯在葦前俱免罪張通  
程善王坐袁堂戴景清于福宗侯玉杜忠厚康冉柳春侯明  
李鑑圓黎辰趙其蕭榮祖閻鄭牟榮梁章裴林閻晨趙泉楊  
昭王勝賢趙高僧楊大簡羅欽趙旭王垣王標戴秉文趙文  
良羅仁壽張永壽吳從義龐兆期石關羊王志黃鼎易氏三  
真俱供明各還職役寧家還俗隨住趙氏離異歸宗三真給

文肅公文集

卷之三十二

辛

親完聚楊友係冒陞土官何熙慶係冒襲土官王裕姚鑑何  
文楊崙俱違例叅克人役顏珪係有賍吏俱革職役爲民叅  
照犯人張淵以邊鄙之褻民挾蛇鼠之小智教楊友以奪嫡  
使其兄弟相讎殺黃成以滅口致其身首異處捏造妖妄之  
詞中含譏謗之意張深謀害楊愛之初既同立誓殺死黃成  
之際又實加功姦占婦女欺壓良家誣奏親王肆無忌憚楊  
友本以駮童冒功授職姦淫父妾雖係革前襲倫之道有虧  
謀奪弟職輒欲殺害手足之情安在楊愛寵信所私踈遠骨  
肉何清雖係屬官不候奏請而輒提王均等固爲有罪輒便

因公而毆死張洪署管驛事而侵盜官錢聽兄主使而毆死人命何清欲謀陞官而捏詞以陷韓瑄張演欲扶庶孽而結黨以圖楊愛顏珪以刀筆賤役特扶助私勞雖有贊畫草弊之勤難掩招權納賄之罪楊綱謝士元翟庭蕙官居方面百司具贍體勘彙情雖無賄賂之私邀遊飲宴殊失表率之道及小進保何宸玄唐奴范蠻羅保福元觀音長壽黃保義保會保大進保吳慶福僧九保大朱保元保王壽福庸俱係私自鬪割人犯律該給親數內長壽等一十名俱有廢疾九保元保俱有殘疾合無依律照例發落惟復解京再問定奪再

照楊友楊愛構隙已深同處一州必致互相殺害伏乞聖明裁處緣張淵張深俱重刑楊友等俱情重人犯楊愛又係此附律條楊綱係軍職論功定議并與謝士元翟庭蕙俱方面官及節該欽奉勅情重者牢固監候奏來定奪事理未敢擅便除將張淵等牢固監候楊友楊愛照題奉欽依事理省發聽候長壽等羈候周從蘊等照依行并土俗事例發落供明張通等先行摘發贓物候追完差官另解外開坐具本專差小旗武振親齎謹題

題為裨益治道事

河南清吏司案呈奉本部送准禮部咨禮科抄出巡按河南  
監察御史文貴題臣聞海宇又寧本乎人君之致治人君致  
治採納臣下之建明大舜聖也淺近之言好察文王聖也芻  
蕘之語下詢恭惟皇上仁孝齊莊聰明睿知聽言納諫媲美  
舜文圖治保邦遠邁成景甫御極而華褻嚮風未踰年而天  
下大治斯世斯民不勝慶幸臣濫竽憲職巡按無能謹拾地  
方所見有關天下可以小補治道拾事開壘具本該通政使  
司官奏奉聖旨該衙門看了來說欽此欽遵抄出送司除抑

文肅公文集

卷之三十二

五

外戚以扶宗室等事本部承其餘起人臣以翊聖化等事係  
隸別部掌行抄單移咨到部送司案呈到部看得巡按河南  
監察御史文貴題稱要將內外大小問刑衙門今後但有問  
該准贖死罪囚犯除文武職官監生旗軍校尉勇士力士天  
文生等項仍照見行事例發落其餘吏民舍餘匠電僧道樂  
工人等一應准贖斬絞死罪及豪民犯該流罪竊盜犯該徒  
罪俱各免其做工運炭納米擺站等項悉發本犯原籍附近  
衛分充軍及民人誣告十人以上發口外為民舍人妄爭煽

庶官職侵奪卑幼產業發原籍為民者俱各免其遷徙就發

本處附近衛分克軍并拏獲礦賊不分初犯再犯免其枷號  
徑解原擬都司衛所克軍等因臣等將所奏事件逐一叅詳  
明白開立前件伏乞聖明裁處緣奉欽依該衙門看了來說  
事理未敢擅便弘治元年十月十八日本部尚書何等具題  
本月二十日奉旨准擬

計開

一編罪囚以足兵戎臣聞兵者國之所恃以爲安者也克  
足精強邦家攸賴看得河南衛所軍士消耗十分已五六  
矣各處雖有清軍官員但以歲久人亾版籍更易百名之

文肅公文集

卷之三十二

五

中清無二三見在揆之天下大抵皆然若不量爲處置兵  
政何自而足查得見行事文職官吏監生有犯枉法滿貫  
絞罪者克軍其餘軍職舍餘民匠等項犯該一應雜犯死  
罪者立功哨瞭運炭做工納米擺站等項發落切詳此等  
囚犯平日克暴貪展褻視憲章犯罪至此已該滅性雖有  
准贖之例終係死數之人及照各該有司地方有等丁多  
財富挾衆行兇欺打良善把持官府攬奪行市厚取債利  
侵奪平人產業強臺欠戶妻女豪民及竊盜俱係梗化爲

惡之人合無乞勅該部計議通行內外大小問刑衙門合

後但有問該准贖死罪囚犯除文武職官監生旗軍校尉  
勇士力士天文生等項仍照見行事例發落其餘吏民舍  
餘匠竈僧道樂工人等一應准贖斬絞死罪及豪民犯該  
流罪竊盜犯該徒罪俱各免其做工運炭納米擺站等項  
悉發本犯原籍附近衛分克軍一年之內戾止數千數載  
之間收集多矣足兵之道此其大端也

前件看得御史文貴要將犯該准贖斬絞囚犯除文武職官  
監生旗軍校尉勇士力士天文生等項仍照見行事例發落  
其餘吏民舍餘匠竈僧道樂工人等及豪民欺打良善把持

文肅公文集

卷之三十二

五

官府攬奪市利侵占田產強奪妻女犯罪至流者竊盜得財  
犯罪至徒者俱免做工運炭納米擺站等項悉發原籍附近  
衛分克軍蓋以兵備多缺欲以此等囚犯填實軍伍也切惟  
兵戎之備固當究心然祖宗之法尤當慎守我太祖高皇帝  
酌古準今制爲律書輕重適中度越前代其後以死刑條目  
頗多又定爲眞犯雜犯之等眞犯以時處決雜犯照例收贖  
經今百有餘年罔不稱便今要將吏民人等有犯前項斬絞  
罪名及豪民竊盜有犯前罪至徒流者俱發附近衛分克軍

非惟人情驚駭亦於舊制有違不若照舊爲便

一改遷民以助兵食臣聞保邦大要以兵爲先守國良規以食爲本今查得見行事例凡民人誣告十人以上者發口外爲民舍人妄爭嫡庶官職侵奪卑幼產業發原籍爲民臣於成化二十年蒙先帝差往口北巡按到於保安州查得彼處自景泰年間以來遷民四百有奇止有三戶見在其餘俱各隨到隨逃其舍人發回原籍者又百中無一而去是徒有遷發之名而無遷發之實也切詳此等囚犯才詐險惡或誣陷良善或殘害宗枝罪惡深重實當遷徙但多顧戀鄉土不肯遠離潛栖故廬不敢顯出官府不得文肅公文集

卷之三十二

五

其用本犯不安其生兩無益也合無乞勅該部計議通行內外問刑衙門今後問有民人誣奏十人以上該發口外爲民舍人妄爭嫡庶官職侵奪卑幼產業該發原籍爲民者俱各免其遷徙就發本處附近衛分克軍督令屯田辦納子粒如此不惟犯人得免遠離鄉土之苦抑且衛所小得足食足兵之助

前件看得誣告十人以上及舍人妄爭承襲官職侵奪卑幼產業俱係誣陷良善殘害宗枝罪惡深重之徒誠如御史文貴所言然此等囚犯或發口外爲民或發原籍當差法如是



足矣若發附近克軍彼無離鄉去井之苦將益肆其誣陷殘害之心視潛栖故廬不敢出官者不侔矣但發口外者隨到隨逃發原籍者百無一去誠有此弊合無行移戶部查過年發去人犯姓名轉行原發官司逐一查究中間在逃并未到者除遇例放免外其餘俱要行原籍官司照名勘解前來編入圖籍責令里老收管毋致逃竄則前弊可革矣

一發礦賊以實邊衛臣聞立法尚嚴爲政貴簡切照河南永寧盧氏等縣一帶山場各有封閉礦洞往往各處人民聚衆盜取查得見行事倒偷採銀礦囚犯初犯枷號三箇

文肅公文集

卷之三十二

五

月滿口哨瞭擺站再犯免其枷號不問軍民舍餘係河南籍貫者發遼東邊衛浙江者發福建沿海衛分福建者發浙江沿海衛所各克軍家小隨住切詳此等囚犯結黨聚衆玩法非爲其初犯問發哨瞭擺站之人往往逃回又行恣肆侵盜雖經再獲原無刺字之律俱各變易姓名更改鄉貫無所查對是終無克軍之日也卽今前項山洞礦賊又復滋蔓若不量爲處置恐後糾聚日衆不無貽患地方合無乞勅該部計議今後但有拏獲礦賊不分初犯再犯

免其枷號徑解原擬都司衛所充軍庶使賊徒不遂詐變

之謀邊衛小得填實之助

前件查得先該巡視河南戶部左侍郎原傑奏稱軍民偷採銀礦初犯枷號發落再犯發邊衛充軍已經通行遵守去後近年以來河南浙江福建有等奸頑之徒嗜利玩法往往聚集兇徒少者二三百人多者七八百人強採銀礦甚者憑據險阻拒敵官軍搔擾地方訪得先年處州葉宗留亦因聚衆採礦馴至攻劫府縣况河南等處連年飢饉人民流亡者多誠恐屯聚山谷採礦圖利漸生厲階御史文貴所言誠爲有理合無依其所奏通行各該布政司等衙門今後但有糾集文肅公文集

卷之三十二

五

兇頑盜採銀礦百十爲群者不分初犯再犯免其枷號徑發原擬地方充軍若有逃回潛住者許令自首仍發原衛着役不首者着該管地方里老緝拏送官照依兵部見行事例枷號三箇月滿日改發極邊衛分充軍里老隱情不首者一體治罪如此雖未能足兵亦可以懲惡矣

文肅公文集卷之三十三

奏議集畧

題爲霸占蘆洲等事

廣東清吏司案呈奉本部送該南京通政使司連狀送據王智剛周興莫玘趙清等連名告係應天府江浦縣軍民籍成化十七年被豪軍王貴奸民韋玘等將智剛等景泰年間奏奉戶部勘合委官勘明撥補坍江田土等項納糧沙洲投獻已故守備太監黃賜等處占管今又令權豪舍人陳聰違例朦朧告佃糧累民陪等情又據高瑛告係應天府六合縣

文肅公文集

卷之三十三

一

瓜埠巡檢司砍蘆弓兵本司原額蘆場六處自洪武年間額徵錢糧運送南京工部交納成化二十一年奸民張梅鼎糾合隣場餘丁林埜詭名李鸞強將原額洲場三處包占蘆柴盡被砍賣肥已該徵柴銀鈔貫負累各兵棄賣子女房屋償官等情到司行文勘斷往往稱係先年奏對之數不肖退還節該狀覩成化二十三年九月初六日詔書內一欵各處地土山場湖蕩軍民開墾管業已久近年以來多被權豪勢要之家及奸詐無藉之徒侵占投獻雖有禁約事例多不遵守以致小民受害無伸詔書到日限一月以裏退還敢有不遵

并今後仍前侵占投獻者許被害之人告理照例治以重罪  
欽此欽遵查得成化二十一年該南京吏部等衙門尚書等  
官陳俊等爲應詔陳言共圖治安等事內一件開稱南京楊  
子江一帶蘆洲俱是軍民承佃及巡司弓兵採打輸官納糧  
近被豪猾之徒妄作新生無主之洲投獻勢要占管稱要賣  
錢買辦利歸勢要累及貧難合無南京戶工二部委官踏勘  
除成化十一年以前原管不動外近年以來受人投獻但係  
有主洲塲俱各給還本主管業再不許勢要之人受獻亦不  
許見在官員之家承佃再有妄行投獻者追問明白發遣充  
軍等因會奏節該奉憲宗皇帝聖旨是准擬欽此欽遵今王  
智剛高瑛等各告前因訪得各項洲塲先年多係軍民用力  
開懇及撥佃起科年久欲照欽奉詔書并陳言事例踏勘明  
白將有主洲塲斷還軍民管業緣中間有係近年勢要之家  
朦朧奏討之數有碍斷給呈乞定奪等因案呈到部續據山  
東清吏司呈爲投獻湖地事據峯名等告係南京瀋陽左等  
衛餘丁有各祖父先於永樂年間用工開墾營基湖蕩等地  
成化十八年被軍人靳通等將前項地土投獻屈認租錢今  
被奸詐之徒張慶等不遵詔書事理仍前妄報投獻以圖收

租等因到司行提張慶等前來不服斷理亦呈到部參照前  
項蘆洲湖地先年俱係軍民開墾承佃及弓兵採納輸官利  
及細民事亦歸一近年豪猾之徒投獻勢要之家就行承佃  
受獻者懼人告爭輒便朦朧奏討或稱係無主荒地或稱係  
新生沙洲兼指買辦進貢爲詞得請之後無復忌憚或以毗  
連而混占他洲或名起科而欺隱數倍多者萬餘畝少者數  
千畝邇年花利奏討者十得二三投獻者十得七八業主節  
次告理難會委官踏勘因有奏討明文只得遷就以致貧難  
之家業去稅存豪橫之徒地連阡陌幸蒙陛下洞察下情首  
頒溫詔不許額外進貢仍將地土山場湖蕩退還原主軍民  
懽懽如獲更生臣等允宜竭心奉將德音但中間有被勢要  
之家朦朧奏准管業難擅斷給欲行南京都察院委有風力  
御史一員本部及南京工部各委公正官一員將成化十二  
年以後一應投獻洲場地土從公審勘原係軍民用力開墾  
及先年撥佃起科者照例給主欺隱畝數撥與無田小民承  
佃果係朦朧奏討曾經起科者一體清出給還原主仍將起  
科稅糧除豁其侵占投獻及有怙勢不服斷理之人應提問

者許令就便提問應奏請者徑自參奏照例治以重罪敢有

捏詞妄奏撫拾原委官員者聽該科并法司察奏治罪情詞  
立案不行原委官員亦要秉公循理不許偏執如此則聖澤  
流行人免被害緣係委官清理洲塲地土事理未敢擅便具  
本專差辦事官齋捧謹具奏聞

題為修省事

該刑部題前事節該太監韋傳奉聖旨近日京城雨水為災  
商又奏大雨雷雨之異朕當檢身飭行祇謹天戒爾文武百  
官尤當各加修省勉圖報稱毋事因循各衙門政事有缺失  
當舉行政正的斟酌停當來說欽此欽遵臣等備員法司所

文肅公文集

卷之三十三

四

掌者刑所講者律不敢泛及他事竊惟刑律之制肇自虞之  
象刑其後夏有政典商有官刑周有三典以及漢唐宋而律  
書日繁我太祖高皇帝肇造區夏本諸欽恤之心旁採漢唐  
之制定大明律以為輔治之具輕重適中度越前代矣列聖  
相承因時制宜又有事例以輔律之不及內外法司遵守惟  
謹迨今百有二十餘年罔敢違越然律文深奧百司官吏講  
解未明或以一字之文而害一條之義及其引律斷罪往往  
有乖律意承訛踵謬不知其非此乃有司因襲之弊非聖祖  
制律之本意也夫律意不明則刑罰不當刑罰不當則民有

不得其死者矣臣等謹條今之擬罪有當改正者于後伏乞  
聖明裁處參酌輕重著于典章頒行天下永爲遵守臣民幸  
甚等因具本奉聖旨這本恁還會都察院大理寺詳議停當  
來說欽此欽遵會同都察院右都御史屠等大理寺卿馮等  
詳議得凡告子孫及子孫之婦不孝并監臨官因公毆人至  
死及因事威逼人致死律例甚明近來有司遇有告子孫及  
婦不孝者不問虛實卽坐重罪因公毆人至死者雖不曾用  
慘酷刑具俱作酷刑官員起送吏部奏請降調愚民或因忿  
爭小故致令自盡者俱坐以威逼致死此皆有司因襲之弊

殊失律意合依本部所擬改正通行內外法司永爲遵守庶  
幾不失聖祖制律之意其邊遠克軍江南等處發西北衛分  
江北等處發東南衛分律有坐定地方但近年兵部奏稱內  
外法司問該克軍人犯俱要就近編發以便勾取合無照依  
見行事例發遣中間有係戎 種類者或發兩廣雲貴衛分  
克軍以防意外之虞其言國初定律之時鈔重而物輕經今  
百有餘年鈔輕而物重要將銀每一兩銅錢每一千文各估  
鈔四十貫揆之時估固爲有理但銀錢估鈔行之已久合仍

依原估其他一應貨物委有估計失當臣等再行斟酌估計

務在輕重得中另行具奏定奪緣節該奉欽依還會都察院  
大理寺詳議停當來說事理未敢擅便今將會議過緣由開  
坐謹題

討開

一節該伏觀大明律內一欵凡罵祖父母父母及妻妾罵夫  
之祖父母父母者並絞註云須親告乃坐又一欵其祖父母  
父母誣告子孫子孫之婦者各勿論欽此竊詳律意蓋謂祖  
父母之於孫父母之於子天性之至親也子婦悖戾至於毀  
罵其親故坐以絞然恐人誣告致罪故云須親告乃坐謂之  
文肅公文集

卷之三十三

六

親告乃坐者以見他人雖告不坐也近見問刑衙門遇有祖  
父母父母告子孫及子孫之婦罵者不問虛實輒坐以絞是  
乃親告卽坐非親告乃坐矣使凡親告卽坐何以有誣告子  
孫之律乎凡人之誣告子孫及子孫之婦者多出於愛憎之  
偏有因後妻之譖而憎前妻之子者有溺愛少子而惡其長  
子者有欲奪孫之貲產以歸其子者有憎其孫遂及其婦者  
使親告卽坐則雖恭順如薛包孝友如王祥者父母一有誣  
告將不免於死况於其他乎合無通行內外問刑衙門今後  
若祖父母告子孫及子孫婦不孝者必須追究得實然後坐



罪如律若祖父母父母偏私誣告仍依誣告子孫律擬斷庶無乖聖朝制律之意而克全天性之恩矣

一節該伏覩大明律內一款凡官司決人不如法者笞四十因而致死者杖一百均徵埋葬銀一十兩若監臨官因公事於人虛快去處非法毆打及自以大杖或金兩手足毆人至折傷以上者減凡鬪傷罪二等至死者杖一百徒三年追埋葬銀一十兩若於人臀腿受刑去處依法決打邂逅致死及自盡者各勿論欽此查得見行事例各處有司及問刑官有用腦箍夾棍烙鐵關馬棍等項酷刑官員問罪起送吏部奏

請定奪或降雜職或發爲民蓋所以懲戒殘忍之徒也近見內外官司或因督理公事或因考訊獄囚依法決打致死人命者問刑衙門一槩擬作酷刑黜罷殊與律例不合且鞭作官刑朴作教刑自古有之但不當肆爲殘忍以毒其民耳若因公事決打致死輒出爲民非律例之意也合無通行內外問刑衙門今後有犯除用腦箍夾棍烙鐵關馬棍等項慘酷刑具及於虛怯去處毆打致死者照例問罪爲民其餘如因公事或笞或杖於臀腿去處決打致死者各依本律科斷不在起送降調之例庶於情法得中

一節該伏覩大明律內一欵凡因事威逼人致死者杖一百  
追埋葬銀一十兩欵此竊詳律意蓋謂諸色人等或逼取田  
園或強索財物或見其愚弱而恐之以罪或因其卑賤而脇  
之以威其人畏威懾勢以至自殺者坐以前罪仍追埋葬之  
賞給與死者之家近見街市愚夫愚婦或一時語言忿爭或  
偶因酒醉戲罵本無用威挾勢凌逼情由而愚民輕生輒便  
自盡者官司往往問擬威逼罪名追給銀兩殊非律意其罪  
雖止於杖然監追銀兩有力者隨即送官貧窘者淹禁連月  
甚至於鬻子女典房屋而後完納深爲可憫合無通行內外  
文肅公文集

卷之三十三

八

問刑衙門今後遇有此等囚犯研審明白果係因事威逼人  
致死者依本律科斷若因一時忿爭或因醉戲謔互鬪等項  
致人輕生自盡別無逼迫之情者止依不應并毆罵人等項  
律條科斷不必追銀庶幾情法相當而死生無憾

一伏覩大明律邊遠克軍條內開江南并浙江江西等布政  
司府分發定遼山西等都司所轄衛分克軍江北并山西陝  
西等布政司府分發廣東廣西等都司所轄衛分克軍竊見  
近來編發克軍囚犯不分南北多發西北邊衛克軍蓋以西  
北近邊故欲填實邊衛也然此等囚犯多是原問斬絞罪名

饒死及一應姦頑梗化輕於犯法之徒往往隨到隨逃仍復爲惡雖有仍問死罪處決之例然逃者接踵終不知警况中間又有原係戎種類諳知邊情慣習彘語恐其乘隙逃入外地爲之謀主啓釁擾邊不可不防漢之衛律宋之張元可爲水鑑合無今後編發克軍囚徒仍照律內所定地方原係北人者編發江南衛分原係南人者編發江北衛分庶可革其屢逃之弊亦可免意外之虞

一伏覩大明律凡四百六十條其間計贓科罪者居多至於計贓又須估鈔方可定罪然計贓科罪者律也律一定而不文肅公文集

卷之三十三

九

可易以贓估鈔者例也例所以輔律可隨時損益之但國初制律之時每銀一兩值鈔一貫今則值鈔八十貫是國初常人盜銀八十兩方得絞罪監守盜銀四十兩方得斬罪今常人盜銀一兩監守盜銀五錢卽坐絞斬罪名雖曰民俗澆漓恐人易犯故重以繩之然非祖宗制律之本意查得正統成化年間都御史陳智監察御史李志剛等各有論奏或欲照依國初估鈔常人盜銀八十兩方坐絞罪或欲照今時估常人盜銀一兩卽坐絞罪合而論之贓輕罪重者似過於刻

重罪輕者似失於縱况陳智等擬奏時估止稱銀兩銅錢而

貨物固未之及其後估計貨物雖有定規一向遵行就中輕重失倫者亦多如綿被一件值銀不過七八錢乃估以一百貫金一兩值銀不下五六兩止估以一百六十貫大車一兩值銀十餘兩而以七十貫估之柴草一大車值銀五六錢而以一兩貫估之其他估計失當者不可枚舉依此論罪刑罰豈能得中合無今後估計鈔貫銀每一兩銅錢每一千文各值鈔四十貫其餘馬騾等畜并諸般貨物本部會同都察院大理寺從公斟酌估計務在合乎人情宜於時俗定擬停當通行內外問刑衙門遵依折錢擬罪庶幾得輕重之中而不文肅公文集

卷之三十三

十

失制律之意矣弘治二年九月十八日刑部尚書何等具題本月二十一日奉聖旨這本內罵祖父母一條係干倫理還著吏部會同戶禮兵工四部及通政司六科再將律意講明來說其餘准擬

題爲陳言慎刑以弭災變事

竊見今年六月以來淫雨連綿潦水泛濫京城內外官吏軍民之家牆壁傾頽房屋倒塌通州張家灣河西務等處水勢悍猛臨河居人廬舍漂流人畜溺死者衆糧船客船沉沒損壞者不知其幾父老傳言數十年來水患未有甚於此日者

也陛下惻然矜憫卽命巡城御史督五城兵馬司查勘京師軍民被災者量加賑卹此實畏天愛民之盛心也臣等仰惟陛下嗣位以來勵精圖治約已裕人召用老成貶斥邪佞臺諫有言常舍己以從之刑獄有疑每屈法以宥之宜夫和氣召祥雨暘時若星緯順度山川咸寧矣然雨雹風霆天鳴地  
震迭見於四方之奏報今京師畿甸又有此水災良由臣等任職無狀不能奉宣德意之所致耳俯躬省咎罪不容誅竊伏思之水陰類也以地言之則中國爲陽 爲陰以人言之則君子爲陽小人爲陰以政事言之則德爲陽刑爲陰洪範庶徵皆由人事所感今雨水爲災意者 之謀侵邊歟小人之或干政歟皆非愚臣之所能知臣等亦不敢越職而言獨以臣職掌言之恐天下刑罰未盡當罪此亦致災之一端也夫民情狡詐百端而隱慝未易遽察問囚者止據原詞審錄者多拘成案至於人命強盜情尤難明人命或因鬪殺誤殺而檢勘者輒以爲謀故盜賊或係搶奪拒捕而巡捕者輒以爲強劫苟非的有證佐誰敢輕與辯明縱欲辯之衆口譁然或以爲受屬或以爲納賄以故好名畏詢者寧失入而不敢輕出誠以公道之難明而謗議之易騰此天下之通患也以

在京法司尚且顧忌如此則在外可知矣昔臯陶稱舜曰與其殺不辜寧失不經聖人之仁蓋如此伏望陛下因雨水之災廣好生之德特勅兩京法司將見監重囚再行詳審凡情有可矜法有可疑及人命無厭可檢強盜追無贓仗者備開矜疑緣由具奏取自聖裁在外各布政司及直隸府衛州縣有巡撫者勅巡撫都御史會同巡按并都布按三司官審錄中無巡撫者勅巡按御史會同三司并直隸府衛正官審錄中間有可矜疑者其實以聞仍下法司叅詳取旨定奪其各處該決重囚亦令決囚官員照奉欽依事理情真罪當者就行

處決若有稱冤異詞及情可矜疑者卽與辨理具奏處治庶幾刑獄不寃災變可弭矣臣等又聞正統四年六月京師大水爲災英宗睿皇帝勅戶部侍郎吳璽順天府尹姜濤存問軍民被水之家具奏賑卹又條示合行事宜勅五府六部都察院等衙門各脩其職今陛下率由祖宗令典已命巡城御史查勘京城內外被水軍民給糧賑卹矣其通州一帶水患尤甚乞勅該部委官查勘一體賑卹係官錢糧果被漂流者量爲分豁俾聖澤沾被無間遠邇其各衙門合行事宜亦乞遵聖祖勅諭斟酌而行之萬機之暇召問內閣及文武大臣

詢訪致災之由同加脩省至於脩德以凝天命正心以端治原勤聖學以講求治道法祖宗以輯寧邦家此又敬天勤民之大本也尤乞聖心加之意焉臣等昧死陳言不勝戰慄之至弘治二年七月初五日具題次日奉聖旨兩京及在外刑獄寫勅去審錄通州抵張家灣一帶并盧溝橋上下水患戶部便差官同順天府官查勘被災之家一體賑卹

題爲禁治異服異言事

切見近年以來京城內外軍民男婦每遇冬寒男子率用貂狐之皮製高頂捲簷帽謂之胡帽婦女率以貂皮作尖頂覆文肅公文集

卷之三十三

七

額披肩謂之昭君帽又去冬今春童男童女在街嬉戲聚談罵詈不作中華正音學成一種鳥獸聲音含糊咿嗚莫辯字義謂之打狗心傳聞北直隸各府及山東山西河南陝西地方互相倣倣亦有此習夫胡帽昭君帽之制皆胡服也打狗心之謠是胡語也以中國而服異服道異言何其習俗之繆耶蓋自胡元入主中國衣冠變爲左衽正音變爲侏離曩倫法度盡爲胡俗仰惟太祖高皇帝肇脩人紀掃陋俗復淳風去異服而椎髻不得以亂冠裳之制禁異言而胡語不得以雜華夏之音百有餘年國不異政家不殊俗斯世斯民復見

唐虞三代文明之盛實我烈祖之功也奈何歷年滋久民俗日偷漸染褻風恬不爲恠此等異服異言雖起於微賤之人實關大體如蒙乞勅錦衣衛并巡城御史督令五城兵馬司嚴加巡緝今後軍民人等男婦童稚敢有仍戴前帽及爲打狗哂等項語音拏送法司究問婦人有犯罪坐夫男童稚有犯罪坐家長初犯止照常例發落再犯枷號示衆仍追究製帽匠作鋪家一體治罪其直隸等處亦行各該巡按監察御史禁治如此則法令嚴明人心知警而習俗淳正矣緣係禁治異服異言事未敢擅便弘治四年正月二十六日具本

文肅公文集

卷之三十三

古

本次日奉聖旨是恁部裏便將這奏詞出榜禁約

題爲防禦邊情事

據山西布政司呈抄蒙臣彙驗准戶部咨該本部題看得各邊糧料草束雖有繳到支冊但收放無常切恐查算不清緩急有悞支用合無差官馳驛前去各該巡撫并管糧等官督同各處管糧官員查計見在糧料艸束倘遇緊急設若動調一萬官軍到彼有無足勾幾年支用仍須查勘營衛城堡何處可以屯聚軍馬何處可以截殺賊寇何處係賊出沒之所何處係客兵往來之路彼處見在糧料草束有無充足如有



不敷或於不係衝要積有糧草去處設法般運或將在庫銀兩趁時糴買此外別有長策悉聽從宜舉行務在多方措置不致缺乏查筭明白計議停當再有不敷之數星馳差人會本具奏庶邊儲有積臨期不誤支用等因具題奉聖旨是欽此欽遵移咨前來仰抄捧回司即便分投差人前去雁門寧武偏頭三關并代州查計各處見在糧料艸束實有若干倘過動調官軍一萬到彼可勾幾年支用如不敷或於積有糧草去處設法般運或將在庫銀兩趁時糴買此外別有長策明白呈來定奪等因蒙此查得代州見在倉糧七萬六千四

百五十石黑豆八千二百二十三石馬草被火燒毀救出不滿五萬餘束俱各焦黑不堪喂馬雁門關見在倉糧七千四百八十四石豌豆二千五百六十石草一萬五千餘束寧武關見在倉糧三萬九百二十九石豌豆八千六百三十五石草五萬餘束利民堡倉糧一萬二千六百四十石黑豆一千八百五十二石草一十四萬五百束偏頭關見在倉糧九萬二千四百十八石黑豆一萬九百四十石草八十四萬一千六百束保德州見在倉糧一萬七千四百石七斗料豆一萬五千四十二石三斗草六萬四千四束河曲縣見在倉糧一千六

百二十四石八斗料一百一十七石五斗草九千五百五十  
束其平定壽陽忻崞等州縣俱係客兵往來之路糧料草束  
全無收積欲將附近州縣糧草般運緣汾沁等處連年荒歉  
俱各缺糧見今潞州鎮西等衛保德寧化等千戶所官軍月  
糧連月缺支止有太原府倉糧約有二十萬石馬草約有一  
十八萬餘係是總會去處王府將軍儀賓等項祿米官吏俸  
給旗校軍士月糧按月放支之外所餘不多無從撥運及查  
得本司豐贍庫見有收貯糧草餘俱銀八千四百三十九兩  
及折收子粒銀二萬四千二百餘兩代州收有子粒銀三萬

五千一百六十九兩欲將前銀支買但今歲久旱民多缺食  
野無青草每米一斗要銀一錢三分料一斗要銀一錢草一  
束要銀八分盡用前銀糴買亦恐不敷本司別無區畫長策  
等因具呈前來案照先准戶部咨前事已經行仰查計處置  
去後今據前因臣切惟北方自近年以來毛里孩札加思蘭  
滿都魯等相繼肆逆擾我邊陲雖其自相吞噬已不旋踵然  
西北邊軍迄今未得息肩去歲亦思馬因糾合醜類侵犯大  
同雖痛遭斬馘然豺狼之性務欲求逞方當盛夏暑雨之際  
旣已率衆窺邊迨至秋高馬肥之時慮恐大舉入寇防禦之

策當預講求臣會計得軍馬一萬每軍一名月支行糧四斗  
五升一年共該支糧五萬四千石每馬一匹月支草三十束  
一年共該支草三百六十萬束每匹月支料一石三斗五升  
一年共該支料一十六萬二千石代州及雁門地近大同倉  
糧勾支一年六箇月料僅勾半月有餘草束全少偏頭關切  
近沙漠倉糧勾一年八箇月料僅勾二十餘口草約勾二箇  
月二十四日支用保德河曲路通陝西平定壽陽等處路通  
眞定俱係客兵往來之路保德河曲雖有糧草數亦不多平  
定壽陽忻崞一帶全無儲積倘動調官軍分屯久駐支用不

無有缺欲於附近州縣搬運則附近倉塲無積欲將庫銀收  
買則在官銀兩不多臣識見疎淺無從區畫伏望聖明軫念  
邊陲乞勅戶兵二部會議長策合無將兩淮兩浙存積鹽各  
二十五萬引召商中納以濟邊儲又查得成化三年間巡撫  
山西僉都御史李侃因邊方急缺糧儲奉准開中引鹽彼時  
爲因斗頭太重無人願中以後具奏減輕納糧者每引米五  
斗豆二斗納草者每引草二十束遷延數年然後中完况今  
歲歉民饑糧料草束踴貴比諸往年尤甚若照先年則例誠  
恐客商願中者少軍興所需猝難得濟乞勅該部量爲減輕

俾客商樂於中納庶得邊儲克物而足以養兵士馬豐飽而  
足以禦捍緣係急缺糧草及開中引鹽事理未敢擅便具本  
專差百戶張文親齎謹題

文肅公文集

卷之三十三

六

文肅公文集卷之三十四

奏議集畧

奏類

奏爲乞恩致仕事

臣見年五十九歲江西建昌府廣昌縣人由進士屢更部屬  
出任藩臬入佐部臺歷官三十餘年叨蒙聖恩累遷顯秩碎  
首劄心未足報稱顧素榆之景漸迫蒲柳之姿易衰年逾五  
十百病交集往歲在於山西公幹忽患暗風病證用藥調理  
暫痊復作每遇疾作頭目昏眩精神恍惚不能省覽文書今  
文肅公文集 卷之三十四 一  
年三月以來肺經積熱發於四肢眼目昏花艱於僉押兩足  
酸痛不任走趨雖欲黽勉從事以效犬馬之報但以筋力難  
支每懷竊祿之慚以此疲憊之體寧免曠廢之愆伏望聖恩  
憐憫令臣致仕歸田就醫以全殘喘臣不勝懇惻感恩之至  
爲此具本令義孫何善親齋謹具奏聞伏候勅旨

奏爲陳情乞恩休致事

臣見年六十歲江西建昌府廣昌縣人由進士除授南京禮部主客清吏司主事丁憂去職服滿改刑部陝西清吏司主事歷陞本部廣東清吏司員外郎郎中福建按察司副使河南按察司按察使湖廣布政司左布政使都察院右副都御史巡撫山西以殺賊寇陞陞本部左副都御史又爲缺官事陞今職歷官三十餘年薦蒙恩寵雖犬馬微忱切於圖報而蒲柳脆質望秘先零臣往在山西固暗風中體兩足麻庫步履惟艱眼日昏花僉署不便况材識迂踈精力衰憊不堪世用雖知聖恩之未報顧以老病之日侵強顏班行實切慚覲伏望皇上哀憐將臣照例致仕歸老田園以全殘喘臣無任感激之至具本親齋謹具奏聞伏候勅旨成化二十三年九月日奉聖旨朕初嗣位正欲用人分理庶務所辭不允該部知道

奏爲辭免陞職事

該吏部推選得臣等堪任南京刑部尚書緣由具題節該奉  
聖旨何喬新陞南京刑部尚書欽此欽遵切念臣學本迂疎  
識尤庸淺歷官郎署未著材猷薦任藩方初無治效出董戎  
旅無安邊禦敵之績入佐秋官乏伸寃理枉之能方懷負乘  
之慚遽沐陞遷之寵撫躬增懼揣分奚堪况南京實根本之  
地尚書乃喉舌之司非臣庸愚可稱交任伏望皇上收還綸  
命俾臣仍任舊職以圖補報不勝感戴之至爲此具本親齎  
謹具奏聞伏候勅旨成化二十三年十月初八日奉聖旨卿  
文肅公文集

卷之三十四

三

歷官中外練達老成特茲陞任所辭不允

奏爲乞恩致仕事

臣以庸愚遭逢盛世歷任中外三十餘年皇上嗣位之初百  
陛臣南京刑部尚書曾未數月又蒙欽取來京改任今職近  
因臣患病欽蒙命醫調治又遣中使下臨賜以酒米等物聖  
恩深厚碎首刳心未足報稱於萬一顧臣自少多疾肌體孱  
弱往歲巡撫山西邪風中體兩股麻痺趨走艱難今犬馬之  
齒六十有三加以健忘之疾况患病之後邪熱雖除元氣益  
耗行則膝顛視則眼花臣切惟刑部尚書以詰姦刑暴爲職  
苟非資稟剛明曷稱厥任臣以樸樾之材又迫桑榆之景精  
力疲憊則不足於剛神思昏聩則不足於明以此居官何以  
體皇上欽恤之德而察庶獄枉直之情伏望聖恩憐憫准臣  
致仕歸老田園以全餘齒則臣雖不能宣力於生前尤當圖  
報於冥漠臣不勝懇惻哀祈之至弘治三年三月十九日具  
奏本月二十一日奉聖旨卿病已痊年未衰老不准致仕



奏爲乞恩致任事

臣以鄙劣之質生際聖明之時歷任郎官薦陞藩臬過蒙天寵備員六卿自始仕至今三十有七年而犬馬之齒六十有三矣感恩圖報靡日或忘顧臣自少多疾肌體素羸中年以來暗風襲體每遇疾作心氣怔忡頭目昏暈以致臨政之時處置顛倒不能自知文移舛訛亦不自覺雖聖德寬洪每垂矜宥而臣撫心省咎驚悸實深近又加以頭風痛徹心髓自度百病交攻死亡無日伏蒙聖恩命醫診治又遣中使下臨賜以酒米等物天地大德捐軀未足報稱也切惟一命之士文肅公文集 卷之三十四 五 尚懷報國之心况臣受列聖之恩從六卿之後豈忘竭駑鈍之力以效涓埃之報哉但以老病日侵不堪驅策強顏竊祿實切慙惶伏望聖慈憫臣蒲柳之姿已衰察臣桑榆之景將迫特准致仕歸老田園則自今至死之年皆皇上之賜也臣無任懇惻哀祈之至弘治三年七月初六日具本次日奉聖旨卿年未老宜勉副任用不允致仕

奏爲致政以弭災變事

邇者乾象示變彗星見於天津皆由臣等失職所致皇上不忍加罪特賜勅戒諭俾痛加警省脩舉職業聖恩深厚天地莫量伏念臣以非材叨掌邦禁明不足以察情僞剛不足以折姦慝刑罰失中上干天象彗星之變咎實在臣加以年老多病兩目昏耗僉署惟艱久玷班行實切慙懼伏望聖恩憐憫准臣致仕歸老田園另選賢能以理刑獄庶幾和氣可致災變可消臣不勝恐懼懇祈之至弘治三年十二月十一日具本十三日本聖旨卿掌刑獄當勉盡職務以副委任不允文肅公文集

卷之三十四

六

所辭朝廷進退大臣自有公論以後各官不必紛擾自陳吏部知道

奏爲乞恩辭免掌印事

該本部題爲印信事因臣被劾待罪將印咨出在部缺官掌管等因具題奉聖旨印還著何喬新掌欽此伏念臣年老多疾處事乖方已嘗四次上章乞罷聖恩深厚未賜俞允今秋自覺年迫衰暮方欲具本再陳而六科十三道交章劾臣罪戾皇上未卽加罪仍待問得明白處治今又命臣還掌印信臣彈擊之餘百念俱灰正當伏藁私室以待誅殛何顏復立班行何心掌印蒞事况御史鄒魯劾臣貪饕欺罔使臣實有此罪逆諸四夔尚有餘辜堂堂天朝豎材如林豈可使貪饕欺罔之人以居大臣之位哉臣俯伏待罪未敢供職伏乞聖明簡命相應官員代臣掌印候饒二漢等問結林臣無干另行具奏致仕若有干礙聽從該衙門提問定奪臣于冒天威無任悚懼戰驚之至爲此具本親齎謹具奏聞

奏爲懇乞休致仕事

臣近因暗風舉發不能管事具奏乞恩致仕欽奉聖旨卿年未老宜勉副任用不允致仕欽此臣祇奉王音感激泣下當鞠躬盡瘁死而後已尚未足以答聖恩之萬一何敢更請但臣力有不能強而情有不能堪者故敢冒死再瀆聖聰伏乞陛下少垂聽焉臣自往年巡撫山西暗風中體然或數月一發當時血氣未衰扶病治事不敢言疾近年以來年齒益老血氣益衰或一月一發或一月二三發每遇疾作寒熱交攻頭目昏眩太醫院判任義診脉具知其証非敢妄言自念死亡無日有孤聖恩此臣之力不能強者也臣有三子成化二十二年兩子相繼病故今春長子又亡僅有一孫年方八歲一門孤寡惻惻無依恃臣爲命有可憫者今臣去家七千餘里一旦溘先朝露非惟孤寡失所亦且骸骨不能歸塋此臣之情不能堪者也臣聞人窮則呼天疾痛則呼父母陛下猶天也猶父母也臣危苦之情如此非訴諸陛下尚誰訴邪伏望聖明曲賜憐察准臣致仕歸老田園庶幾生則孤寡有託死獲歸骨首丘則臣志願永畢矣干冒天威罪當萬死臣無任懇惻戰兢之至爲此具本令外孫揭瑀親賞謹具奏聞

文肅公文集

卷之三十四

八

